

زفرات الشجبا

في رثاء محمد وآله النجبا



ملا محمد ملا سعيد الشيخ عبد الله العرب

زفريات الشجيا

في رثاء محمد وآله النجبا

بِسْمِ اللَّهِ الرَّحْمَنِ الرَّحِيمِ

زفرات الشجبا

في رثاء محمد وآله النجبا

ملا محمد ملا سعيد الشيخ عبدالله العرب

جميع الحقوق محفوظة ولا نحييز طبع الكتاب

هوية الكتاب

إسم الكتاب : زفراة الشجا في رءاء محمد وآله النجا

المؤلف : ملا محمد ملا سعيد الشيخ عبد الله العرب

الطبعة : الثانية ٢٠١٤ - ١٤٣٥ هـ

يطلب من : ٣٣٠٠٨١٩٧

الترخيص : ٢٠١٤/٢٣٦

تصميم وإخراج : البروج ميديا - ٣٦٦١١٨٦٥ ٩٧٣+



صاحب الديوان

لو كانت الشعّار تشعر ليل ونهار
وعدهم اقلام من القصب و غصون لشجار
والخبر صب المطر لو هو سيل لنهار
تكتب مصابك يا غريب الغاضيه

ما عادل المكتوب فوق العرش بالنور
لحسين مصباح الهدى في كل لدهور
وذاك الحديث الي عن المختار مذكور
لحسين مني وانا منه يا بريّة

لكن يشيعه يندبح سبطي بلطفوف
جبريل خبرني وقلي لازم تشوف
سبطك مقطع والعوادي فوقه تطوف
واجساد يمه مقطعه فوق الوطية

الناظم

٢ / ذو القعدة / ١٤٣٥ هـ

مقدمة الناظم

بسم الله الرحمن الرحيم

الحمد لله على ما أنعم وله الشكر على ما ألهم وصلى الله على سادة الأئم وأولياء النعم محمد وآله الطاهرين

أما بعد: فهذا أنا ذا أعيد الكرّة مرة أخرى، لأسجل إسمي في ديوان الرائين، لحجج رب العالمين، ولم يكن ذلك إلا بتوفيق من الله (جل)، وتسديد من أهل بيت الرحمة (ع)، فما خاب من تمسك بهم وأمن من لجأ إليهم.

والكتاب الذي بين يديك أيها القارئ الكريم، هو نفسه ديوان (نبذة من الأشعار)، الذي أصدرته سنة ١٤١٠ هـ - ١٩٩٠ م، إلا أنني في هذه المرة أضفت له ثمان وثلاثين مقطوعة أخرى، فصار الكتاب في تسعين مقطوعة، وارتأيت أن أغير إسمه من (نبذة من الأشعار) إلى (زفرات الشجا)، وأن أطبعه بصورة واضحة، وها أنا أأدي أمانتي وأوفي بوعدتي لإخواني وأبنائي الخطباء، سائلا منهم أن لا ينسوني من الدعاء، وقبل ذلك أسأل من الله أن يتقبل مني هذا القليل، وأن لا ينساني سيدي أبو عبد الله الحسين (ع)، وهو القائل أما أنا فمن زارني زرتته، وهو يعلم حبي له ولوعتي لمصابه.

كما وأتقدم بالشكر الكثير إلى فضيلة الشيخ بشار العالي وإلى ابن الخال الخطيب الملا إلياس محمد ملا نصر المرزوق جزاهما الله خيرا على تقديمهما لكتابي.

وصلى الله على محمد وأهل بيته الطاهرين

محمد ملا سعيد الشيخ العرب

١ / ذو القعدة / ١٤٣٥ هـ

مقدمة الخطيب البارع الملا إلياس المرزوق جزاه الله خيرا

بسمه تعالى جلّ شأنه

الحمد لله رب العالمين وأفضل الصلاة وأتم التسليم على نبينا محمد وآله الطيبين الطاهرين

تتمثل نصره الإسلام وإعزازه في إعلاء كلمته ونشر مبادئه، فإن ذلك من أعظم الأعمال نفعا وأكثرها أجراً وأخلدها ذكراً... ومن أصدق المصاديق الفاعلة والمؤثرة على صعيد النصرة وإعلاء الكلمة تخليد المواقف واستحضار الذكريات، وهو ما كان لقادة الإسلام وحماته، وهم محمد وأهل بيته الذين أذهب الله عنهم الرجس وطهرهم تطهيرا... لأن الإسلام منهم يؤخذ وبهم يعرف، فهم أصله وفرعه (وكما ورد) إن الحق لهم وفيهم ومنهم وبهم...

ومن وجهة نظري القاصرة إن أروع مظاهر التخليد لأطروحاتهم ووسائل النشر لمبادئهم والتفاخر بحبهم والإعراب عن عشقهم وولائهم نظم الشعر وصياغته فيهم مدحاً ورثاء... ومن الثوابت والأصول المسلمة أن للشعر بشقيّه الفصيح والدارج دوراً كبيراً في إظهار غرة الدين ومثانة العقيدة، وفي المقابل له دوره الكبير في إسكات أبواق الكفر وإقامة الحجّة البالغة على أعداء الدين والعقيدة الحقّة.

ونرى أن موقف أهل البيت عليهم السلام من الشعر وأهله المخلصين موقف تأييد وثناء وترغيب، وعليك بالتأريخ فهو أصدق لغة على هذا القول... سيد الكائنات نبينا الكريم كان يستنشد الشعر ويستعذبه ويجيز عليه ويبحث عنه ويُشيد بالشعراء، وهو القائل (ص) إن من الشعر حكمة وإن من البيان لسحرا... وهو القائل (ص) لشاعره حسان بن ثابت: ما زلت مؤيداً بروح القدس ما دمت ناصرنا....

وفي تقدير الكثير من الأدباء أن الشعر كان بمثابة الصحافة في عصرنا فاستثمره الإسلام العظيم في معركته ضد الباطل...

وفي تاريخنا الكبير عمالقة أدب وشعر فحدّث ولا حرج فهذا دعبل الخزاعي وذاك الكميت الأسيدي والفرزدق والشريف الرضي والحليان السيدان حيدر وجعفر وما شاء الله فهو لاء وأمثالهم عمالقة الشعر الفصيح ...

أما الدارج (النبطي) فله أساطينه كالمرحوم الملا علي بن فايز والملا عطية الجمري والملا سعيد العرب والملا عبدالرسول السهلاوي وأمثال هؤلاء الأفضاذ ...

وبين يديك أيها المتصفح والقارئ الكريم ديوان لأحد فحول وعمالقة الشعر الدارج، المسمى (زفرات الشجا) وهو يمثّل نتاجاً قيماً وعطاءً ثرياً ... ناظمه أحد مشاهير الشعراء على هذه الساحة، الخطيب المشجي وأحد أستاذتنا الكبار ملا محمد بن ملا سعيد بن الشهيد الشيخ عبدالله العرب دام عزه التليد ...

وبغض النظر عن صلة القرابة ووشاجة الرحم، إلاّ أنّي أقول صادقاً جازماً أن للبيئة أثرها الكبير في بناء الشخصية وتقويمها ... شاعرنا العرب ولد ونشأ وعاش في بيئة خطابية شعرية، وفي قرية يحفظ لها التاريخ والأجيال مكانتها وهي قرية بني جمرة العامرة وهي موطن العلماء والخطباء والشعراء وخدمته المولى عليه السلام ...

وأخيراً وليس آخراً كنت ولا زلت شغفاً بشعر الناظم القدير وجل قطع هذا الديوان أحفظها وكانت ولا زالت هذه المقطوعات لها أثرها على مسامع وقلوب المستمعين ... وأرى تلك المجالس موفقة ببركة اهل البيت عليهم السلام وبركة تلك القصائد التي أخلص فيها ناظمها وفق الله ابن عمنا الملا القدير والشاعر الكبير ملا محمد لمراضيه وجعل الله ذلك في ميزان حسناته ...

وآخر دعوانا أن الحمد لله رب العالمين ...

خادم المولى عليه السلام ...

إلياس محمد نصر عبدالعزيز المرزوق

الدرّاز في ١٦/٨/٢٠١٤ م

مقدمة الخطيب الأديب الشيخ بشار العالي حرسه الله

بسمه تعالى وله الحمد كما هو أهله والصلاة والسلام على محمد وأهل بيته الطاهرين، قال الإمام جعفر بن محمد الصادق (ع) :- من قال فينا بيت شعر بنى الله له بيتا في الجنة، بين أيدينا تجربة شعرية لشاعر بحراني وهو صاحب الديوان، هو الشاعر الخطيب ملا محمد بن ملا سعيد بن الشيخ عبدالله بن أحمد بن إبراهيم بن أحمد العرب، ولد في العام ١٩٥١ م ونشأ في بيئة علمية وأدبية تعشق الشعر وخدمة المنبر الحسيني، وفي أسرة لها إمتداد في خدمة أهل البيت عليهم السلام رجالاً ونساءً.

فوالده المرحوم الورع المؤمن ملا سعيد العرب [١٣٢٠ هـ - ١٤٢١ هـ] أحد الخطباء والأدباء البارعين والمعدودين في قراءة التعزية في البحرين نشأ عليها منذ نعومة أظافره وتعاهاها، وله حضوره المؤثر في مجالس العزاء، بجانب كونه أحد الأدباء والشعراء باللسانين الفصيح والدارج، إلا أنه برع في الشعر الدارج أو العامي وخصوصاً في مجال الرثاء، وخلاصة تجربته أو دعها في ديوانه (ينبوع الشجاء وإسعاف الخطباء في رثاء محمد وآله النجباء) المطبوع في جزئين، ويعتبر الملا سعيد هو المنبع الأول الذي نهل منه خطيبنا وشاعرنا صاحب هذا الديوان . ولعل هذه النشأة في كنف الخطابة والأدب الرثائي والحسينيات كانت كفيلة أن تصقل شخصية شاعرنا الأدبية وترتفع بذوقه وجودة انتقائه للمفردات وهي إحدى مميزاتة .

وهذا الإرث انتقل للملا سعيد من والده الخطيب الكبير الشهيد الشيخ عبد الله العرب - جد شاعرنا - الذي لازم المنبر حتى استشهاده وكان له صيت واسع في الخطابه، وكانت له إهتمامات بالتأريخ والأدب والشعر إلا أن أكثر نتاجه قد ضاع للأسف، منها مجموع فيه قصائد عدة استفاد منه المرحوم ملا عطية الجمري، وقد رأيت له مخطوطاً في مقتل الحسين عليه السلام، وما نظمه الشيخ عبدالله العرب هذه المقطوعة من مرثيته على مولاه الحسين عليه السلام نقلناها للإفادة يقول فيها :

أفديه مبتعداً عن قعر منزله من غير ماسبٍ منه ولاجرمٍ
أفديه ينتزعُ السهمَ المثلثَ من صدرٍ تقدّس منه القلبُ في ضمٍ

أفديه يرنو إلى فسطاط نسوته
أفديه والشمز جاث فوق منكبهِ
فأظلمت بعده الأكوأُن وانصدعت
وناحت الجنُّ والأطيَّارُ في أسفٍ
والوحشُ طلقت المرعى لمصرعه
لهفي له ثاوياً ملقى ملابسه
لهفي لنسوته الغراء إذ هجمت
فبين حاسرة في المشي عائرة
وبين مثقلة بالكرب معولة
تدعوبه وهو ملقى لأحراك له

بالحزن خوفاً على الأيتامِ والحرمِ
يحزُّ منه محيا المجدِ والكرمِ
شواهقُ المجدِ في حزنٍ وفي غممِ
عليه وانسجمت عين الهدى بدمِ
إذ قد دهاها البلا بالفادح العممِ
في ثائرِ النقع أبرادُ بلا لحمِ
أهل الضلالِ عليها داخل الخيمِ
وبين من هي تلحى في سياطهم
وجسمها قد بلي بالسقم والألمِ
موزعُ الجسم بالهنديَّة الخدمِ

كما أنتجت هذه الأسرة أحد أعلام الفقه والفضيلة والأدب وهو العالم الكبير المقدس الشيخ محسن بن الشيخ عبد الله بن أحمد العرب [١٣٠٦ هـ - ١٣٥٦ هـ] الذي أفاض بعلمه على جمع من طلبة العلوم الدينية في البحرين منهم المرحوم خطيب البحرين الأكبر وشاعرها الماهر الملا عطية بن علي الجمري ، والخطيب الملا سعيد العرب ، والعلامة المقدس الشيخ عبد المحسن الشهابي صاحب شرح السداد . كما نبغ من هذه الأسرة الخطيب والشاعر والباحث الأستاذ الملا محمد جعفر بن الشيخ محسن العرب [١٩٣٢ - ٢٠١٢ م] .

كانت هذه النشأة في كنف الخطباء والعلماء كفيلاً أن تُنبِت في شخصية شاعرنا الملا محمد بن ملا سعيد نبتة الولاء والعشق للحسين وخدمة الحسين عليه السلام بجانب كونها أكسبته ذوقاً خاصاً ظهر في شعره ومفرداته وطفح في أخلاقياته الكريمة . فكان أول علاقة الملا محمد بالحسين عليه السلام أنه كان منشداً وراوداً يقرأ القصائد الرثائية في مواكب العزاء ، ثم تدرج حتى بدأ بحفظ القصائد وارتقاء المنبر في حدود الثمانينات من القرن العشرين الميلادي . ويجدر بنا أن نشير أن هذه الأسرة أنتجت عدداً من خطيبات المآتم الحسينية ما زلن يمارسن هذه الخدمة في ربوع البحرين ونظمن الشعر والمراثي ، كما أن أبناء صاحب الديوان مالوا بفطرتهم لهذه الخدمة الحسينية وخدمة أهل البيت عليهم السلام وهم ، المرحوم الخطيب ملا حسن وكان لي صديقاً يطلب العلم ويرتقي المنبر وله اهتمام بجمع تراث آبائه وتراث المنبر الحسيني إلا أن يد المنون لم تمهله فوفد على ربه في عمر مبكر ، والشيخ الفاضل ميرزا وهو أحد طلبة العلوم الدينية في قم المقدسة ، والخطيب الملا حسين وهو جامع ديوان أبيه وهو منشغل بطلب العلوم الدينية في البحرين وله ديوان

شعر تحت الطبع ويتميز بخطابته وإجاداته لأطوار التعزية البحرانية الحسينية وفقه الله تعالى ، وكذلك الملا سعيد فقد بدأ بداية طيبة في الخطابة، يجيد الأطوار مهتم بالحفظ واللغة، وفقهم الله جميعاً .
وأما عن مميزات شعره فيلاحظ من يتصفح ديوانه عدة أمور :

١ . إن شاعرنا هو خطيب ، وهذه ميزة تكفل حسن اختيار موضوع الأبيات وجودتها

فالشاعر إذا كان خطيباً يكون اختياره أكثر دقة وأكثر إشباعاً لتطلعات الخطباء

٢ . سلاسة العبارات وعدم التكلف في نظم الحوادث ، فتراه مستر سلاً بسجيته الفياضة ينتقل من صورة لصورة

٣ . حفاظه على الطابع الرثائي البحراني المتوارث وتجد ذلك واضحاً في اختياره للكلمات التي يتداولها عامة أهل القرى البحرانية

٤ . إهتمامه ببعض الجوانب والزوايا التي أهملها ولم ينظم فيها عمالقة الرثاء المنبري

ولذلك نجد الخطباء يحفظون من كتابه الذي طبع سابقاً لشعره المسمى (نبذة من الأشعار) ، وكذلك الروايد الذين قرأوا من قصائده فوجدوها عذبة بحب آل محمد صلى الله عليه وآله ، وشجية بنغمة الحزن الحسيني ، إلا أن القصائد قد أضاف عليها شاعرنا مقطوعات لم تنشر فكبر حجم الديوان وصار لزاماً أن يصاغ صياغة جديدة ويظهر في حلته القشبية مع تغيير العنوان فصار بين أيدينا هذا الديوان (زفرات الشجاء) وهو خلاصة تجربة الملا محمد بن ملا سعيد العرب ليكون له ذخراً إن شاء الله تعالى ، ويكون للخطباء ومحبي الأدب الحسيني منهلاً عذباً وشجياً . وأختم هنا بأبيات من العرفان بصاحب الشجاء قلتها في الديوان وصاحبه الذي طالما نهلت منه أنا وغيري من الخطباء

والآل لاح الوجد في جنباته
وزها بروعته على نفحاته
تركت صداها المرّ في آهاته
فلذاك صاغ الشعر في زفراته

طوبى لقلب ضمّ حبّ محمد
وبكى وأبكى حيث فاض شعوره
كالجمر يلهب حزنه لمصيبة
وبدا الشجاء لم يوح بشعره

بقلم المتشرف بخدمة الحسين

بشار بن عبدالهادي العالي البحراني

في ٥ ذي القعدة ١٤٣٥ هـ

وفاة السيدة خديجة (ع)

ونت خديجه وقربت منها المنيه
 إبتهل لله واسأل الغفران ليه
 قلها النبي المصطفى وذائب دلوله
 في جنة الفردوس الحيم البتوله
 وانقطعت الأنفاس منها وضائق الموت
 وبضعة الهادي من أجلها صاحت بصوت
 وجبريل حل من السما وابدى نحييه
 وقله يأحمد سكت البضعة النحييه
 وقله يهادي جيت لك من طيب الجنان
 تحفه من الله حصلت خيرة النسوان
 وقام الرسول وغسل الكبرى على هون
 من غسل الزهرا وعاین سود لمتون
 وشيع خديجه المصطفى والكل حضرها
 ما هو مثل قبر الذي كسروا صدرها
 ونادت على المختار يا خير البريه
 يرحمني الله وانكتب من آل ياسين
 جبريل خبرني عن الباري وقوله
 قصر بناه الله ويقلج لا تخافين
 والمصطفى تلهف عليها بقلب مفتوت
 تبكي على امها والدمع يجري من العين
 وسلم على المختار ودموعه سچيه
 لملاك تبكي من أجلها والنيين
 والله أمرني أهبط بكافور واكفان
 والخور فرحانه لجلها ومستعدين
 وما شاف مثل الشاف حيدر سيد الكون
 لو ضربة المسمار بيها ولطمة العين
 قبل المسيه والنبى عين قبرها
 إلى الحين ما ندري يشيعه بهالقبر وين

نبي الرحمة (ص)

تستأذن الأملاك بالدخلة على الهادي
 جبريل نادى والدمع بالخذ مهتون
 هذا حبيب الله وخذ روحه على هون
 قلبه على مهلك يروح الله يجبريل
 أسلم على محمد وأدخل له بتهيل
 فتح عيونه بالعجل خير البريه
 خفف على الأمة وانا ثقل عليه
 من شاف ميت بالرسل يجذبه الحسره
 وتالي الجزا هجموا على بنته الزهرا
 الله واكبر يا صفي الله وطه
 والكسر الأصنام والكعبه حماها
 وزينب مع السبطين والكل القلب ذاب
 وتصيح يا فضه دلخيني على الباب
 وجبريل يبكي والدمع بالخذ بداد
 يا قابض الأرواح هذا سيد الكون
 لا تزعج المختار هذا باب لمراد
 أو صاني اللي شرفه واسرى به بليل
 واقبض على روحه الشريفه كيف ما راد
 وقله يملك الموت بوصيك بوصيه
 بس يحفظوني في البتوله ويّا لولاد
 نفسه عطوفه بأمته والعين عبرا
 بالباب عصروها ومنها الدمع بداد
 ما جيت شفت ام الحسن سقطوا حشاها
 خانوا الوصيه والعجب بالحل ينقاد
 من شافوا دموم الزجيه فوق لتراب
 حملي وقع وبها الصدر مسمار حدّاد

بين الرسول (ص) والزهراء (ع)

شافت الهادي وسالت الدمعه من العين	يمه وصيه المرتضى والحسن وحسين
يجري دمعا والقلب يسعر لهيبه	وتقول يا صفوة الباري ويا حبيبته
ياللي مظلل بالغمامه ونور طيبه	ونينك شعبي والقلب منشطر شطرين
فتح عيونه وقال يا زهرة زماني	لتدويني بالبجا انهدت اركاني
خلي البجا والنوح لين الموت جاني	وهجموا عليج القوم يا زهرة الكونين
معلوم لازم تهجم العدو ان بالدار	وخدرج يهتكونه ويخلونج بلا خمار
وحتى الصدر ينصاب من ضربة المسمار	وحملج يسقطونه وتكسر الضلعين
بس غمض عيونه ولنها بذيك لنذال	دارت على بيت البتوله يمين وشمال
حرقوا الباب وقادوا الكرار بحبال	وفاطم بصير الباب وتنادي يبو حسين
ترضى يحيدر يعصروني بصاير الباب	مسمار صوبي وجيني خر بلعتاب
وتنادي بفضه ودمها فوق لتراب	لحقي عليه سقطوا مني هالجنين
وفضه ارتاعت والقلب بالحزن مهموم	من شافت الزهرا بصدرها تسيل لدموم
مغشي عليها ابابها وما تقدر تقوم	وارتاعت ام كلثوم ويا الحسن وحسين

حادثة دار الزهراء (ع)

تصور هجوم الدار من رادوا يهجمون	احتاطوا بذاك البيت ورادوا له يحرقون
قولي لعلي يطلع يجاوبنا يزهرا	والا الخطب يم بابكم لازم نسعره
قامت تناديهم وهي تجذب الحسره	لا تحرقون الباب وباداري تهجمون
وتجمعوا يم بابها كلهم سويه	وظلت تخاطبهم عجل وين الوصيه
من بعد عيني لاتآذون الزچيه	وتزاحموا يم بابها وظلوا يدفعون
وانسكر ذاك الباب ولنها مالها خمار	وجل الستر لاذت مبينه وبين لجدار
ودفعوا الباب ونبت وسط الصدر مسمار	صاحت يحيدر هالشكل ترضى يسوون
وتصارخوا السبطين وفضه وام كلثوم	من صرخة الزهرا وساعة هجمة القوم
وظلعوا علي ملبب ومنه الدمع مسجوم	وزهرا تناديهم من الله ما تخافون
تهجمون وسط الدار وتسقطون حملي	دنهض يبويه وشوف حالي وحال بعلي
بحبالهم قادوه وبعينه يصد لي	يهرول وياهم وين ما رادوا يروحون

الزهراء (ع) والمحمدي (ره)

ردي يزهرأ وخلي قناعج على الراس
 إنتون رحمه وقال حيدر صعب لمراس
 نادت على سلمان يا صاحب المختار
 قادوا علي الكرار وبيننا شبوا النار
 وما هاج حزني يوم دمي بالثرى سال
 قدامهم يمشي وهو مجتوف بحبال
 واما يردون الوصي يرجع بها الحين
 كلهم فلا يسهون صيحة حسن وحسين
 وراحت الى المسجد ودمعتها جريه
 بيتي حرقته وما كفاك الصار بيه
 ما شوف لي ناصر عليكم غير شكواي
 ونزلت املاك من السما تصرخ بلا راي
 وارتاعت العدووان من صيحة الأملاك
 چان انخسفتنا اليوم وانخسفت هلفلاك
 وردت الزهرا بالوصي ونورينهم شاع
 وتقول صبرك ما جرى مثله يمناع
 لا ترفعيه يا بتوله وتهلك الناس
 ردي ولا تدعين يا زهرا على القوم
 چنك متدري اشصار يوم هجموا الدار
 وضلوعي مني كسروها وسالت دموم
 هاجت احزاني من شفت خواض لهوال
 ودموعه تجري والقلب بالحزن مهموم
 لو ببتهل لله ويهم ينزل البين
 وتروعت زينب الحورا وام كلثوم
 ونادت يناكث بيعة الهادي ووصيه
 حتى وصي المصطفى ينقاد مهضوم
 الله ورسوله ياخذ الحق لي من اعداي
 ونادوا على العدووان خلوا كنز لعلوم
 والكل ينادي يا علي لولاك لولاك
 عطنا الأمان اليوم وعنا روح محشوم
 إيد بچتف حيدر وإيد فوق لضلاع
 قلها اشبيدي وبالوصيه صرت ملزوم

تغسيل الزهراء (ع)

عمار نادى يا علي يا فحل لرجال
 فارس بدر وحنين يا فلان لصفوف
 وين الصبر يا بو الحسن بالصبر موصوف
 قلبه أنا صابر وما حد صبر صبري
 هَيَّ زهرة الكونين يا عمار تدري
 وكثر الملامه والعتب خله يعمار
 ترى شفت ضلعين مكسوره ومسمار
 بالمغتسل مديت بت سيد الكونين
 چنها تقلي آه من كسرة الضلعين
 وغسل الزهرا والدمع باخذ سفاح
 هزت اركانها المصونه والجلد راح
 بالنعش حطها والقلب فيض بلهموم
 هذي عزيزتكم وحنان وداعها اليوم
 طاحوا وفتحت باعها ذيك النجيبه
 وجبريل نادى في السما من هالمصيبه
 والحسن حبها براسها ويجذب الحسره
 حسبي على اللي كسر ضلوعج يزهره

بالصبر تأمرنا وانْتِ خواض لهوال
 أسمع تزا فيرك شديدته تصفق كفوف
 لو راح عنك بعد يا قتال لبطل
 بس البتوله اليوم منها انكسر ظهري
 هذي شفيعتكم يشيعه بيوم لهوال
 ولا تلومني لو سال دمعي مثل لمطار
 نيشان في صدر البتوله وما بقى حال
 وظليت اقلبها على اليسرى وليمين
 واما الضرب مثل المجاوي يمين وشمال
 ونادى يفضه وياي شيليتها على راح
 قومي نسجيتها يفضه بوسط شيال
 ونادى حسن يحسين يا زينب وكتوم
 طاحوا على نعش البتوله والدمع سال
 بالصدر ضمتهم ودمعتهم سچيبه
 نادى يحيدر شيل عن زهرا هلطفال
 وحسين يمها ينتحب والعين عبره
 وزينب تنادي بفرقتج بينا الدهر مال

زينب وباب الزهراء (ع)

وتنادي ياب الهم	زينب تعتب على الباب
يوم سال بيك الدم	سويت الجرح جرحين
واختهم زينب وكلثم	تدري اشصار بالحسنين
لامهم فاطمه ياباب	كسرت بعصرتك ضلعين
ذاك الباب عن همها	جاوبها لسان الحال
يحره وسيلت دمها	مو بيدي عصرت امچ
والعدوان حشمها	ذاك اللي شعل ناره
يوم طاحت بلعتاب	عصرها وزلزل الأكوان
والدمعات نثاره	وراحت يم ابوها تصيح
لوعني بتذكاره	يهزاز الحصن هالباب
يوم شنوا الغاره	أذكر هجمة العدوان
لامي بالصدر وانعاب	واذكر ضربة المسمار
شيله لا يظل بيها	عن دار البتوله الباب
واهوال الشفت بيها	چيف اسكن بيويه الدار
واظلمت نواحيها	راحت زهرة الأكوان
بيها لا هنا ولا طاب	من بعد البتوله العيش
يشتم ريحة الجنه	جدي المصطفى لو راد
يشمّنها وتشمّنه	يستأذن على الزهرا
عنها بضعة منه	وعصروها وهم يدرون
هالأمه ونست لكتاب	نسيت آية التطهير

وصية أمير المؤمنين علي (ع)

خلصت ايامي يا حسن بين الزچيه
 بالليل جمعهم وقال الليله وُداع
 وخفض ابو الحملات وناته ولنزاع
 بالدين يهل الدين بوصيكم يلولاد
 علم وعباده وانثروها بكل لبلاد
 قله الحسن يا بوي لا تهتم على الدين
 وتالي يعزنا بيرتفع من ذبحة حسين
 قلهم كفو ونعمين ماكو منكم قصور
 وانت يحسين ابتذبح واختك على كور
 وانت ييو فاضل تكفل بالعقيله
 ولو قطعت الزندين يا بدر القبيله
 چني أعاين لچ على ناقيه تحنين
 وقدام عينچ يا مصونه راس لحسين
 حبل الذي حطوه في حلقي وانا شوف
 چني أعاين به علي السجاد مچتوف
 ومن كسرة الضلعين يا زينب بلجدار
 ومن طيحة المحراب لو ضربة المسمار
 ناد اخوتك ويا خواتك هالمسيه
 وعلى سكينه تجمعوا حلوين لطباع
 وقلهم دسمعوا يا اولادي هالوصيه
 هذا مجدكم دافعوا عنه يالامجاد
 ولا تبعدون الأمل في الدنيا الدينيه
 بصلح الأمه ولو تصير الجبد شطرين
 يوم الذي ينزل بوادي الغاضريه
 يا حسن لكن چبدك ابتشطر بشطور
 تركب على كور الجمل وانت رميه
 معصومة الصغرى ولا تبقى ذليله
 چني أعاينها بهالديره سبيه
 في هالبلد بينيتي ويا الخواتين
 محسوف من ضربة حجر ذيج الدعيه
 لازم يوصلكم يزينب أرض لطفوف
 فوق الجمل يعنى ووناته خفيه
 خدرچ يحرقونه ويخلونچ بلا خمار
 كله تشوفينه بأرض الغاضريه

الحسانان (ع) عند قبر أبيهما (ع)

الله يحيدر ضمتك للحدود عنا	من بعد عينك ما أحد منا تهنا
مولود بالكعبه وتشهد كل لسلام	والله كتبها تموت بالمسجد يضرغام
لكن بعد عينك ترى ضاعت هليتام	وبينا العدو تشمّت بفرحاته وغنى
وصواب راسك يا علي صوّب هالقلوب	مدري الفلك مايل لو انه صار مقلوب
چيف ابن ملجم وصل وحصل المطلوب	من يوم في المحراب صابك يا ضمدنا
ياجدلت بن ود ومرحب فوق لوعار	وياللي كسرت الباب في خيبر يمغوار
والباب خلितه جسر بيدك يكرار	منهو يصدّق يقربونك يا عمدنا
وطاحوا على قبره يويولي الحسن وحسين	وصبوا مدامعهم ونادوا ياالغريين
فرتي بوصي المصطفى وسيد الكونين	باب السلام اتين للشيعه وعلمنا
وردّوا لمنزلهم ولكن بالكسيره	وزينب تناديهم ودمعتها نثيره
جيتون يخواني بلا شيخ العشيره	وعدوانا فرحت وظلينا بحزنّا

تهدمت والله أركان الهدى

يا حيدر الكرار يا حيد الإماره

صنّت الإمارة

حبك شربنا وما تخلينا حيارى

صنّت الإمارة

حبك شربنا يا صراط الله المعروف
بالإستقامه والهدى والحق موصوف
واللي يحبك يا علي ميصيه الخوف
يوم الفزع لكبر يحيدر يا حمى الجار

صنّت الإمارة

أبدأً فلا نساك يا شایل علمنا
يوم تشيله ونحتطي بك يا سعدنا
والكأس من حوضك نشربه يا ضمدنا
واحنا انرضعنا من ولايتكم يكرار

صنّت الإمارة

لمصيبة الكرار يا شيعه اسمعوها
جبريل يصرخ عروة الوثقى افصموها
وسمعت زينب صيحته ينعي أبوها
صرخت ولطمت راسها والدمع نثار

صنّت الإمارة

والناس طلعت واختلت ذيج المنازل
طلعت تموج محيره والكل يسايل

وناسٍ تنادي طاح حلال المشاكل
في وسط محرابه مجدلينه بلوعار
صنّت الإماره

واما الحسن وحسين من وصلوا يمه
وشافوه في المحراب متخضب بدمه
والناس في المحراب كلها عليه لمه
صاح الحسن وحسين آيا حامي الجار
صنّت الإماره

منهو فجعنا وهامتك بالسيف شقها
ياليلة القشره علينا من فجرها
وعاينوا راسه وضربته وشافوا أثرها
وصلت الى موضع سجوده وكلمن احتار
صنّت الإماره

فتح عيونه المرتضى وابدى نحييه
مصفر لونه وبالدماء مخضوب شبيهه
هذا ابن ملجم صابني وهذي العجيبه
للبيت حملوني بعجل صار الذي صار
صنّت الإماره

وشالوا ابو الحسنين والكل بحزن صاح
بيكي على خير العمل والدمع سفاح
وزينب لبوها شافته ومنها الجلد راح
رحت بسلامه وجيت بويه ودمك انهار
صنّت الإماره

الحسن المسموم (ع)

قلها يزيب مهجة المسموم شطرين	شاللي مغطى بهالطشت متقول يحسين
زادت احواله يا مصونه من هالمسموم	هالطشت مملي من خليصج كله دموم
وجنه على عضيدج يزيب حاييم البين	وظني يزيب هالعضيد مفارق اليوم
تنادي عجل هاليوم بتفارق بيدري	خرت على جسم الحسن والدمع يجري
شفتي مصاينا وباقي مصيبة حسين	قلها يزيب على مصابي عاد صبري
وشفتي علي الكرار من ضربة المحراب	شفتي مصاب امج الزهرا بعصرة الباب
واللي انكتب في اللوح يختي تشوفه العين	واليوم چيدي بالطشت يا بنت لطياب
خايف يزيب من تشوفينه يصدمج	قايل انا لحسين يغطي الطشت عنج
ومكتوب يختي لازم تشوفين طشتين	واليوم شفتينه والله يعظم اجرچ
والثاني يوم اللي المجلس تدخليه	هالطشت هذا اللي قبالچ تنظرينه
ونوب العصا فوقچ ونوبه براس لحسين	حفة شماته وراس اخيچ ناصيينه

الفاجعة الباقية

كل الفوائح تنكسر بس انت يحسين
يوم الذي توقف الزهرا بنت لطهار
والرعوكم يا شفیه وشبوا النار
والناس توقف في القيامه كلهم صفوف
واللي توالى بكم ووصل أرض لطفوف
وتقول يا ربي اخذ ليه بحقي
والذبح اولادي ومني فل شملي
وتقول شمسوي أبو كفوف القطيعه
وزينب تنوح عليه ضيعت الوديعه
وتقول شمسوي رضيع ويذبحونه
وحسين فوق القاع جسمه يررضونه
وانت يحبوب القلب توقف بلا راس
ويوقف علي الأكبر مع الجسام وعباس
وزينب تطالب في القيامه بحرق خيام
ينادون شمسويين يسبوننا إلى الشام
تبقى إلى يوم الحشر بين الميامين
وتشكي على اللي تجمعوا واهجموا بالدار
واللي لطمها بعينها وكسر الضلعين
واللي ظلمكم يرتجف قلبه من الخوف
في شفاة المختار وحيدر أبو الحسنين
من اللي كسر ضلعي ومني سقط حملي
وترفع بياديها إلى العباس كفين
حتى يفضخوا هامته صوب الشريعه
وترفع رضيعك بالسهم منظم يحسين
عطشان ظامي وبسهمهم يفظمونه
وتشيل عنه في السبي ذبيح الخواتين
وتنوح لجلك في القيامه الجان والناس
وانصارك اللي تذبحوا والهاشميين
ويّا الحریم اللي انسبت وجميع لیتام
ونشيل كلنا باليسر عن جثة حسين

بكاء ابن الحنفية

من دار الى دار ويجر ونه خفيه
 اظلمت يا دار اخوتي ووحشه عليه
 متصير حلوه الدار بمفارق أهلها
 وحسين غلقها وظل موحش محلها
 وكلما دخل دار انتحب ليمن دخلها
 ما أوحشج يا دار بعد ابن الرچيه
 دارك يخويه موحشه من فراق حباب
 وفاطم تعاتبني وانا مني القلب ذاب
 واكتب سلامي فيه لا بويي وخنوان
 وقله العليله جسدها من الحزن نحلان
 وانجان عبد الله أخويه الطفل موجود
 من قبل ميصيه بنحره سهم محدود
 وجميع عماتي وعمي قمر عدنان
 وفراقكم نغص ترى العيشه عليه
 قبله نيابه بين وجناته ولحدود
 هذا الكتاب وردوا جوابه عليه

ابن الحنفية وهلال المحرم

هليت يا عاشور وهلالك بلحزان
 وهلت عيوني دموعها والجسد نحلان
 هليت يا عاشور وهلالك بلتراح
 ما هو هلال العيد ليمن هل بلفراح
 وين الفرح ليه واخويه سافر وراح
 راحوا وخلوني أحن بالدار ولهان
 يحسين ما خليت لا شيخ ولا شاب
 راحوا وخلوني وقلبي من الوجد ذاب
 ما عندي الا حريم منها الدمع غدران
 يبقى يساعدي على مكابد هلمصاب

بس العليله تصيح يا عمي هضميه
وتدري الدهر ما يحسن احوال اليتيمه
وام البنين تصيح يمحمد صدق صار
حزني عليهم ما لفتني عنهم اخبار
سافر ابويه بصفوته ويا حريمه
وانا عليه بهالمرض والجسد نحلان
صفوة هواشم ما بقى واحد بهالدار
وشوم الدهر بين وظني بالأهل خان

هلال المحرم

بين عمي شهر لمحرم ترى هل واستهل
وطالبه طلبه بين عمي ونفذهها بعجل
جيب ليه ثوب أسود هذي أيام المصاب
تدري بالنسوان تلبس هالشهر سود الثياب
ألبيه وادخل الماتم واحتظي بعز وثواب
ترى حسين من المدينة شال بجميع الأهل
ما يصير البس الزينه أختجل بين العباد
ترى الزهرا هالليالي لابسه ثياب السواد
تجر ونه من ضلعها وتجر ونه على لولاد
قاعدته وسطة الماتم والدمع منها يهل
ويش يا زهرا مرامج في الماتم تنجين
قالت انظر من يساعدي على مصيبة حسين

ساعدونني في المصيبة واهملوا دمعة العين
والشفاعة تصير بيدي وبعلي خير العمل
ولا تلوموني يشيعه مصابي مصاب فجميع
كم شباب بكر بلا ليه قضى وكم رضيع
وكم يتيمه تدوسها خيل العدا ووحده تضيع
وزينب اللي ذوبتني يوم شالوها بجمل
وقطعت ذيچ الفيا في باليسر ويا ليتام
ومن يتيمه تصيح منهم يضربوها على الهام
وكم بلد مروا عليها لكن الأعظم الشام
والعليل من المصيبة ذاب جسمه وانتحل

منابر الحسين (ع)

نصبت بني اميه المنابر ليل ونهار
كل من ركب منبر يشتم بيت لطهار
لكن منابرهم دحاها حسين من صال
من حين ضحى بكر بلا بجميع لبطال
تخدم الدين وتنشر علوم النبوه
واللي قبلهم هجموا على الدار قوه
للدين ضحى بمهجته مهجة الزهرا
حتى رضيعه منذب من فوق صدره
وأمر ابن سفيان وعآظه ولشرار
ويعمل فضائل حق بني اميه الملاعين
راياتهم طاحت وخابت ذيچ لامال
وشيد بذكره هالمنابر تخدم الدين
وتفضح بني اميه عديمين المروه
هذي المنابر عاليه وتصرخ على حسين
حتى رضيعه منذب من فوق صدره

وملتهب قلبه من الظما ويجذب الحسره
بحر الظهيره بو علي مذبح عطشان
مقطوع راسه والجسد بالترب عريان
وزينب تصب دموعها وتصرخ يهالناس
أقعد بكثره لو أروح لجسد عباس
وعندي عليل بهاخبا ما يقدر يقوم
مدري شسوي يا بني هاشم ومخزوم
باسايلك يا منبر حسين الشفيه
من يوم راس حسين فوق السمهرية
فوق الرمح ويرتل القرآن ترتيل
وينظر عياله مسلبه ووياهم عليل
وأمّن الماتم نصبتّه زينب بعاشور
جرت الونه ونصبت الماتم على الكور
لجل الحراير باخبا تلطم بليدين
وحوله رجاله مذبحه شبان واغصان
وعباس اخوه على الشريعة بغير كفين
مقدر أعاين جثة ابن امي بلا راس
ومتحيره بايتامهم ويا النساءين
وش هالمصيبه اللي دهنتا مثل لغيوم
محمد يجي منكم يوارى جثة حسين
من وين ساسك قال يوم الغاضريه
صار الرمح منبر وفوقه راس لحسين
وصندوق صدره كاسرينه بحافر الخيل
كلما يجرونه يضر بونه الملائين
من يوم مرت بالأخو وشافته منحور
والحرم يمها وصارت الضجه على حسين

وداعه (ع) لقبر جده (ص)

هاجت احزان ابن الزجيه وصار مختار	وراح لقبر جده يخبره بالجري وصار
أحنى على قبر الرسول وغفت عينه	بالطيف شافه وقبله بغرة جبينه
قله يجدي جارت الدنيا علينا	جارت بني اميه علينا وكل لشرار
ماريد هالدنيا وسولي بالقبر باب	أبدى نحبيه المصطفى ومنه القلب ذاب
قله يروحي ذوبتني من هلعتاب	غصب عليه مشردينك عن هلديار
غصب عليه تظل منازلكم خليه	مكتوب بيني تنذبح بالغاظريه
وهاجت همومه وقام ودموعه جريه	وعود على قبر البتوله يدير لفكار
أحنى على قبر البتوله وقام ينعي	ونادى يهاللي في قبرها تصيح ضلعي
هذا الوداع اليوم يم الحسن ودعي	مطروود عنكم بالغصبيه ومالي ديار

وداع الحوراء للمدينة

نادت ودمعتها على خدها هموله	بوداعة الله ديار جدنا والبتوله
بنشيل عنج بالأهل ويّا الحموله	ومدري متى نرد لو تظل ظلمه هلديار
بوداعة الله ديار جدنا والمنازل	عنج يطيه اليوم هذا الطعن شايل
لو سايلوا الوفاد عن أهل الفضائل	قولي لهم راحوا وغابت ذيج لنوار
جاوب لسان الحال عنها يازچيه	متخبريني وين سفرتكم سويه
قالت أرض مكه وتالي الغاظريه	وحسي يطيه ومن طرفنا تيج لخبار

أم البنين عند خروج الحسين (ع)

أم البنين تصيح يا عباس يحشاي
 بيني بترباتك سهرت الليل وياك
 أقسم عليك بدر لبن صدري الغذاك
 لا تشربه قبل الأخوين الأماجيد
 والعلم نشره بيد بيني وجودك بإيد
 وعينك على زينب ترى بنت البتوله
 لا تضيع بيني من بعد ذبيح الحموله
 قلها توصيني وانا عندي وصيه
 إيد العقيله شالها وحطها بديه
 ما فارقت زينب ولا عضيدي تركته
 ولا يقول أحد عباس ذل وضيع اخته
 يم البنين اشها المحبه لبنت لظهار
 ريتج نظرتي يوم شافتهم بلوعار
 يا قمر هاشم دستمع مني وصاياي
 كله لشان حسين هالتعبه على رباك
 ليمن نزلت المشرعه لا تشرب الماي
 وخلك درع لحسين يا درع الصناديد
 وتدري الحرم بالسفر بيني تريد رواي
 معصومة الصغرى فخر كم هالعقيله
 هذي وديعه والوديعه تريد حماي
 من يوم حيدر قرّبت منه المنيه
 وقلي تكفلها بروحي ومهجة حشاي
 بفيديهم بروحي وحق رب عبدته
 طلبي من الله تسلم شمالي وبمناي
 توصين أولادج عليها صغار وكبار
 هذا بجنب حسين وهذا بجانب الماي

رسالة العليّة لأبيها (ع)

شافت اعرابي ونادته هالسفر لاوين
 قالت دخيلك سو معانا اليوم معروف
 تحظى بشفاعتنا بيوم الفرع واخوف
 قلها يمن جدج يدير الفلك بيده
 جيبي الكتاب نسلمه لحسين بيده
 شال الكتاب وراح عنها يقطع البيد
 وصل ولن حسين يصفج إيدِ بإيد
 سلم عليه وسلمه ذيج الأمانه
 قلها يمن جدك بدين الله هداننا
 فك الكتاب حسين بيده وقام يقرا
 أسلم عليكم لكن بلوعه وحسره
 كيف العليل يطيب من أهله يغيبون
 أتصور لكم في خيالي بقلب محزون
 نادى يبنتي بهالرساله زاد بلواي
 لو تنظرين لحالتي وحالة يتاماي
 قلها يحره سفرتي وادي الغرين
 مكتوب من عندنا توصله أرض الطفوف
 ويشفع لك الهادي ومكسورة الضلعين
 الله كتبها تصير سفرتنا سعيده
 وانجان راد الله انسعدنا بنصرة حسين
 ليل ونهار يسير ما يوقف ولا يهيد
 واقف على اجساد اخوته كلهم مطاعين
 وحسين قلبه منين هالمكتوب جانا
 من ارض المدينه رسولوني آل يس
 فاطم أنا بنتك يشمامة الزهرا
 ومن شاف خطها سالت الدمعه من العين
 بفراقكم يحسين ما تغمض لي عيون
 قبل رضيعك بالنيابه شمال ويمين
 هذا رضيعي انذبح ظامي ولا شرب ماي
 وضجة خواتج بالمخيم مالها معين

وفاطمة بنت الحسين (ع) والغراب

يا طير ياللي ترفرف قبالي ومخضوب
متكسر الجنحان والّا بقنص مصيوب
تنعي على بابي ونعيك فتت حشاي
من قنص شارذ قول لو من معركه جاي
من شوفتك يا طير طار العقل والرأي
وجنه خبر عندك وهالرجعه من حروب
ومن قام ينعي عرفت النوعه شجيه
وظلت تنوح وياه مثل الراعيه
وقلها يحره جيتي من الغاضريه
أرد اخبرج بحسين فوق القاع مكبوب
بالشمس مرمي يا حزينه وماله ظلال
من حوله الشبان مذبوحة ولطفال
وخرمهم شالت أسارى مالها رجال
فوق الهزل تنعي ومنها الدمع مسكوب
قالت عجل يحسين يا مقصد الوفاد
بنعي عليكم طول عمري ولبس سواد
وقامت تولول على مصابه بقلب وقاد
ولطمت على الهامه وشقت ذبيح لجيوب
من سمع صيحتها محمد بالعجل صاح
اشعندج يحزوننه بهالصيحه بلتراح
قالت عشيرتنا يعمي والأبو راح
والحرم راحت بالشماته بكل لدروب

إبن عقيل عند باب طوعة

اشعندك بهالوقفه بهذا بعتبة الباب
واقف على بابي ودمع العين سايل
شوفتك والله من الذي چانوا وسايل
قلها غريب وغربتي غير الغرايب
بس أنا بهالديره بقيت بلا قرايب
وقلها أنا عطشان ومنكم أطلب الماي
وبوقفته طول يطيل الفكر والراي
قالت غريب انت واني منك غريبه
لا معرفه عندي ولا منك قريبه
قلها الحسب والنسب من هاشم ومخزوم
مسلم أنا ومخدوع يا حره من القوم
تستاهل التكريم بين الكرم والجود
ودنق بمنزلها ودمعه فوق لحدود
حاسر الراس ومنكسر والدمع سچاب
سائل من السؤال لو عندك رسايل
وچنك غريب بهالمدينه ومالك احباب
كم من غريب تغرب وحصل حبايب
والبايعوني داسوا البيعه بلتراب
جابت الماي وشرب منه بقلب چواي
وهاج الحزن منه وقلبه حس بلمصاب
وقفتك يم بابي ترى منها مريبه
وشچارتك واقف بلا معنى على الباب
والهادي محمد وحيدر كنز العلوم
قالت خجاله ما عرفتك بين لطيايب
تفضل على هون وسكينه بين لحيود
والله خجاله دخلتي في بيوت لجناب

يتيمة مسلم

حطها بحجره وظل يشمها زين لقبال
 قالت اشصاير يا ضمدنا وسر لوجود
 ليكون مسلم والدي يحسين مفقود
 قلها بينتي مسلم تغيب جماله
 وما حد من اعوانه دنا منه وشاله
 قالت ودمعتها على خدها سجييه
 واليوم يتمني وخلاني كئيبه
 وتكسر الخاطر والدمع بالخذ بداد
 بنعي على مسلم أبويه ولبس سواد
 وياخذ بخاطرها أبو النفس العطوفه
 والله يبن عمي عجل خانت الكوفه
 ويمسح على راس اليتيمه يمين وشمال
 تمسح على راسي ودمعك فوق لحدود
 بعدي صغيره واليتم ما يحسن احوال
 خانت الكوفه وانفتت جملة رجاله
 في السوق جسمه يسحبونه فوق لرمال
 حسيت انا من والدي طول الغيبه
 فتيت قلبي بهاخبر يا زين لقبال
 وتقول يا ضنوة علي ومقصد الوفاد
 ضمها لصدره وقال يا بنتي الدهر مال
 ونشف دمعها ودمعته بخده ذروفه
 خانت بحيدر من قبلنا بَوَّل وتال

حميدة وطوعة

وهي أول قصيدة نرثيها من مصائب كربلاء

قالت أني الآ جايه وعندى وصيه
 من مسلم اللي صوب دارى ذابحينه
 واسمعت وناته وذوبنى بونينه
 سلمى على زينب وخبريها عن الحال
 خلفى عليها وقبليها يمين وشمال
 قالت يطوعه فجعيتنى بهالمصيبه
 من بعد عينه يا هو اللي ألتجى به
 وعندى اخوان اثنين ضاعوا بهجمة الخيل
 ضاعوا ولا ادري وين راحوا هالبهاليل
 باسايلىج عن والدى شنهى اخباره
 وبعد الأسر ذبوه من قصر الأماره
 وزينب تنادى يا يتيمه لا تحنين
 وقامت تسليها وتنشف دمعة العين
 منى اسمعوها يا سبايا الغاضريه
 وبحالهم قدام عيني ساحينه
 وقلى يطوعه نفذيها هالوصيه
 وهناك طفله من اطفالي ويآ لطفال
 وسمعت حميده وصاحت بصيحه شجيه
 وابوي خلانى عقب عينه غريبه
 ما قصرت فينا طفوف الغاضريه
 يوم الذى حرقوا خيمنا وهود الليل
 واما العشيرة بكرىلا انذبحت سويه
 قالت يبتى تأسر وخانت انصاره
 شفته مع هانى يجروهم سويه
 هي كتبه الله يا حزينه وسفرة حسين
 وتقول صبروا يا سبايا الغاضريه

رأس الحسين (ع) ورأس مسلم

وراس ابن حيدر بالرمح يدرس القرآن	بالشام يوم ادخلوا روس اولاد عدنان
فوق الرمح يزهر وسنّه مكسرينه	لنه يعاين راس مسلم صايينه
وظل يخبره بالصار من فعلة العدوان	تقابل وياه وقبله بغرة جيينه
هذي حرنا مشهره من فوق لكوار	ياراس مسلم ما سلمنا وانظر اشصار
جسمي رميه بالفلا وحوالي الشبان	واجسادنا في كربلا ظلت بلوعار
هالبايعوني يبن عمي كلهم انذال	قله يراس حسين باخبرك عن الحال
في السوق جسمي يسحبونه فوق تربان	بايعوا لكن بالأسنه وجر لجال
يوم وَقَفْتِ يَمِ بابها وتعرفتني	بس التي تحب البتوله بايعتني
وما حد بكى عليّه مثلها بدمع غدران	طوعه صدق طاعت الباري وضيفتني
ناس عليّه تراب تحثي وناس بحجار	من شافت الكوفه عليّه صغار و كبار
كله على راسي وانا وحدي بلا اعوان	وناس بقصب فوق المنازل تسعر النار

ولدا مسلم والسجان

سجان بنخبرك بقصتنا بتفصيل
 داروا علينا وسلبونا صغار وكبار
 وتالي علينا بالمخيم شبوا النار
 وتطشرت ذيك الحريم وما لها شعور
 ناس انصابت ناس تاهت وسط لبرور
 واحنا من الصيوان فرينا بيا حال
 ونصيح يا حيدر علي يا فحل لرجال
 سجان درحما وفكنا من هالقيود
 وانجان من ذيك العشيره احد موجود
 قلهم فجعتوني يروحي بهالمصيبه
 ووحدته تنعي فوق مهزوله وكئيبه

من طاح والينا وعلينا هجمت الخيل
 هذي انسلب خلخال منها وهذي خمار
 ناس بلهيب النار وناس تدوسهم خيل
 مثل الحمام اللي عليها تحوم لصقور
 وناس الشريعة تصيح ما تقعد بالكفيل
 تهنا على صوب الغري خوف من لندال
 احنا يتاما ائين وبيننا هود الليل
 خلنا نروح لوطن جدنا ارض لحيود
 بنخبره بذبحه حسين وذبح لرجال
 شفنا سباياكم على هزل سليبه
 وعندها يتاما مروعه ووياهم غليل

في مصرعهما

ما راقب الله وطلع بالطفلين لصغار
 جنب الفرات اليوم بذبحكم سويه
 قالوا يظالم ما كفتك الغاضريه
 وانجان والله تبيعنا وتغنم ثمننا
 ضعنا ولا عدها خبر في وين ضعنا
 بس ما سمعهم ظل يعفرهم بلتراب
 وبالسيف ظل يقطع نحر لكبر ولا هاب
 ينظر عضيده اشلون تجري دموم نحره
 والجسد مثل الطير يا حالة القشرا
 الله يروحي اشلون ضعنا فرد ضيعه
 وما بين ما هو يلثم عضيده يشيعه
 قطع مناحرهم يويلي وما أحد فات
 وذيك العجوز تشوف وتجادب الحسرات
 طفلين عندي البارحه وصرتوا ضحيه
 هاللي ذبحهم لا يرد اليوم ليه
 يتصارخون اثنينهم والدمع نثار
 وبروسكم باخذ من الطاغي هديه
 من غدرة الكوفه بهلنا صغار وكبار
 وتترك ذبحنا ولا علينا تحسر امنا
 وچنها علينا تصيح حسره ليل ونهار
 كسر ثناياهم ومزق ذيك لثياب
 وقلب الصغير من المصبيه يشتعل نار
 والراس شاله وقبله وضمه لصدرة
 يتعفر قبله ودمه مثل لنهار
 عقب السجن واليوم ذبحتنا شنيعه
 لن الردي هير اوداجه فوق لوعار
 والروس اخذها والحث ذبها بلفرات
 يا خجلتي فيكم يضمنو بيت لطهار
 يا ربّ وحبّ دعوتي بجاه الزجيه
 ينذبح ذبحه ولا يرد اليوم للدار

أَيْضَا فِي مِصْرَعِهَا

حلنا نتوادع يخويه قبل ما نذوق الردى
ما تشوف ابن الحنا والسيف بيده جرده

ينظر بحسره عضيده وفوق خده مدمعه
قوم بين امي وابويه هاي ساعه مواده
اثينا هاليوم يا خويه الردى نتجرعه
ضعنا يعضيدي وتالي نصير في ولية عدا

تحاضنوا لثنين منهم والدمع بالخد جرى
كل واحد من عضيده قام يلثم منحره
والكبير يصيح خويه والچبد متفطره
خله يذبحني قبل ما شوف راسك يفرده

قال انا مصابي عجل بيصير خويه مصيبتين
بذبحتك قدام عيني آه يا فجعة البين
وما كمل ذاك الوداع ولنهم بذاك اللعين
قام يلطمهم على الهامات وكلمن فرهده

والكبير انذبح منهم والنحر منه انقطع
والصغير يشوف خيه يسيل دمه وانفجع
ولو حجر يمهم يشيعه من هالمصيبه انصدع
يوم رد على الصغير النحر منه يفرده

روسهم منهم قطعها وذبح جشهم بالنهر
كله فوق الماي ذبحتهم بني فهر ومضر
والأرض ملك النبي والماي للزهرا مهر
وبالعطش أولادها ماتوا ولا حد يورده

رواية وهب

وصل وهب حق زوجته و امه بلطاب
 قلها يحره اشهازرع لخصر ولنهار
 ما بين ماني قاعده ولني بلنوار
 وفيهم عميد وغرته زايد ضواها
 وعنده صنديد وبطل ناشر لواها
 وسلم وسايل عن جنابك من دنا حُداي
 أبطا علينا بالقنص واحنا بلا ماي
 وحول من حصانه ومد ايده على القاع
 واعشب الوادي يوم جانا حلو لطباع
 وعين وهب لامه تشوف شمال ويمين
 وتقول بيني لا تخلي نصره حسين
 توكل على الله من قبل وقت المسيه
 وقوض خيامه وشال وادي الغاضريه
 وصل لعند حسين وسلم بالإماره
 وتحاضنوا زينب ودمعتهم تجارى
 لا تحزني يا هاشميه من طرفنا
 جينا لسعادتنا وفارقنا وطنا
 ولنه يشوف الأرض خضره بذيچ لعشاب
 قالت يروحي ضيوف جونا چنهم اقمار
 تتساطع قبالي ولاحت لي من الباب
 واسمه حسين وجده المختار طه
 وحریم عنده مخدره وربات لحجاب
 ناديته تفضل سويعه وبالأثر جاي
 كلنا عطاشى وماي ما عدنا بهالطناب
 وييده الظهر أشر ولن الماي نَباع
 وامك رجع ليها بصرها وسافر وغاب
 بتراب كف ابن البتول انفتحت العين
 توكل على الله بنصرته بيني ولا تهاب
 وييض يروحي وجوهنا عند الزچيه
 وامه حملها وزوجته وحث السرى وغاب
 والحرم دخلهم مع حريم العذارى
 وزوجه وهب تاخذ بخاطر بنت لطياب
 إحنا على حب امكم الزهرا انفطمنا
 خدام الحچ جينا بيضعة داحي الباب

عقد الرايات

مسدود وادي كربلا كله على حسين
 مثل الجراد المنتشر عصابة أميه
 سدوا على حسين الفضا بالغازيه
 وانشار ما عنده وبس واحد وسبعين
 بن سعد قايدهم وشمر ابن الدعيه
 وعنده اطفال مروعه ويا نساوين
 وحسين مختار بحريم وقله انصار
 لنا يخويه لو علينا قول يحسين
 هالجيش يا زينب ترى كله علينا
 هالكاتبوكم ما تخبرني بهم امين
 بين الغضنفر يا سلاله شيخ لرجال
 وفلهم أبو فاضل قباله شمال ويمين
 وزينب تقله يا ضوى الدنيا واهلها
 قلها كفو بعاس يا زينب ونعمين
 ولنها تقله يا بدر بيت الجلاله
 قلها لحبيب اللي يخيه بينصر حسين
 يحسين خبرني بين حلو السجايا
 يا ريت ويانا ويفعل مثل صفين
 يختي ولا يضوق الظما ويشوف ماها
 هذا بجنب الماي وهذا بجانب حسين
 وقاله يسليها ونده عباس في الحال
 قوم اطلع الرايات يا سردال لبطال
 وظل يعقد الرايات ابو السجاد كلها
 راية علي الكرار للعباس خلها
 وراية حبيب مسنده ظلت قباله
 هالرايه حق منهو بقت بين الرساله
 سالت مدامعها ونادت يا شفايا
 ما شوف لمحمد بهالرايات رايه
 قلها يزينب منكتب يبقى بعراها
 عوينج الله چان شفينا بعراها

حبيب بن مظاهر وزوجته

وقفت قبالة تقله جاك سعدك يا حبيب
وارتفع حظك بين عمي بنصرة هالغريب

چان تبغي الكاس يحصل من علي حامي الجار
طلق الدنيا بين عمي وفارق هالديار
تري حسين بكر بلا حاير ولا عنده انصار
قوم روح الغاضريه بالعجل قبل المغيب

قال وين احنا يحره ووين وادي كربلا
خايف اولادچ يتاما تصوير وانتين ارملة
قالت اترمل ولا زينب بناقه مهزله
تدخل الكوفه بلا والي وواليها سليب

شفت اني الدهر بمنامي لابسه سود الثياب
تقول قولي لبن عمچ يشتري لشييه خضاب
لا تشح على البتوله اللي عصروها ورا الباب
قوم تشفع لك الزهرا بنصرتك حق الغريب

قال روعي تروح فدوه لفاطم الطهر البتول
خل ارواح الغاضريه تكسر ضلوعي الخيول
ولا أشوف الأعوجيه بجسم ابن طه الرسول
والله باترّب خدودي من قبل ييقى تريب

سلام حبيب على العقيلة

حصل الرخصه من الشفيه شيخ لنصار
صلى الخبير الله عليكم وبصلاته
هذا حبيب لكم ترى بايع حياته
ردت سلامه لكن بنجبه شجيه
دافع يعمي عن غريب الغاضريه
صوب الغري توجه وصاح الله واكبر
ما جا حبيب وشافها ما بين عسكر
وقلها ودمع العين فوق الخد همال
وروس اخوتج قدام عينج فوق عسال

وسلم على زينب بعفه خلف لستار
ما خاب والله من التجي بكم يا حماته
فدوه لكم روي يزينب بنت لطهار
بوصيك يا عم يا حبيب بهالوصيه
في كربلا مختار من قلة الأنصار
منهو أنا البنتك تحاچيني يحيدر
هذا يسلبها وهذا يسعر النار
چني أشوفج فوق مهزوله بلا ظلال
وراسي أنا بصدر الفرس من وين ما سار

أنصار الحسين (ع) لما قال لهم أمضوا

من عالم التكوين مكتوبين يحسين
ضجوا فرد ضجه وعلت منهم الضجات
أجسادنا بحد المواضي تصير وصلات
الله سعدنا بنصرتك ابن الزچيه
من رحمة الباري وبشرنا نبيه
ويكي حبيب ودمعته روّت كفوفه
ما نقدر نخليك حابر بين كوفه
وسمعت حچيهم زينب الكبرى العقيله
لا تخيون ظنونا بولد البتوله
نادوا بينت الصون يا ربات لحجاب
لو يحرقونا وينثرونا نثر لتراب
أنصار دين الله بين ست النساءين
ونادوا يمين جدك سعد سبع السماوات
ولا نروح ونخليك لا ناصر ولا معين
يوم جمعنا وياك برض الغاضريه
جدك وعدنا بالشهاده وياك يحسين
يحسين دسمعني ييو النفس العطوفه
خانت البيعه وبايعت لبن الملاعين
ونادت يطيين الأصل واهل الحموله
واحنا حرم وبتدار غربه يا شياهين
والله وحق ضلع امچ المكسور بالباب
والله منعصي لكم أمر يا آل يس

أبطال الصفا وفرسان الهيجا

أهل الوفا والمرجله بالعهد يوفون
 مثل الذي في كربلا ظلوا ينزفون
 وقبل تفانوا بو علي رخصهم وقال
 وحدي أموت بهالفلا وتسبى هلعيال
 قالوا ييو السجاد والله أمرك مجيد
 والله فلا يصيبك سهم ابن الأماجيد
 واما حرمنا ما هي احسن من حرمكم
 واحنا فلا نسوى مطنّب من خيمكم
 تسبى حريمك بو علي وتسلم حرمنا
 ومن قبل خدك بالثرى ينعفر خدنا
 قلهم كفو ونعمين ما كو منكم قصور
 راواهم الجنه وشافوا ذيك لقصور
 لكن يشيعه اشحال شمامة الزهره
 ظل ينتحب ويصيح ويجاذب الحسره
 ظليت وحدي وهاخراير من وليها
 وعود على خيامه ويتلهف عليها
 بدمهم على أهل الموده ما يغالون
 دمهم يروي ترابها وحسين مختار
 روحوا وخلوني بو حدي بين لنذال
 واخذوا حرمكم لا تظل ما بين لشرار
 تبخل علينا بالشهاده وباجر العيد
 حتى نتصرع بالسويه فوق لوعار
 كلهم فلا يسوون دمعه من إختكم
 لو غارت العدو ان بيها وشبت النار
 هيهات ما صارت ولا هذي شيمنا
 منروح ونخليك وحدك مالك انصار
 هذي منازلكم ولاح قباهم نور
 والخور فيها ومن تحتها تسيل لنهار
 يوم نظر ليهم ذبايح على العبره
 وقلهم انا ظليت يا فرسان مختار
 وش حالها لو هجمت العدو ان بيها
 بيها حرم وايتام تعي صغار وكبار

الحسين (ع) وزينب (ع) ليلة العاشوراء

ساعه واطل مفرود بين القوم مختار	باچر يزنب تحمل اخوانچ ولنصار
أشيله على صدري للمخيم تنظرينه	أول علي الأكبر يخيه يقطّعونه
وعباس فوق الماي لا يمنه ولا يسار	وآمن المعرس من دموعه يخضبونه
هذا رضيع اشجرته من الماي محروم	وتالي أشيل الطفل بيدي وانشد القوم
وارجع به لمخيم ومني الدمع نثار	ويجيه يا زينب سهم وتسيل الدموم
وتحمل عساكرهم واخوچ حسين مفرود	وتالي أودعكم وارد المعركة زدود
وراسي تشوفينه قبالچ فوق خطّار	ويصيني يختي بقلبي سهم محدود
وتحطم ضلوعي يزنب والمفاصيل	وتالي على عضيدچ يخيه تركب الخيل
وخرچ يحرقونه ويخلونچ بلا خمار	وانتين والعيله عليكم يظلم الليل
هذي تريد الماي وهذي تقول بتنام	قالت عجل منهو يياري وياي لیتام
وش چارة العيله يخويه بين لشرار	يحسين بتضیع حرمکم بين ظلام

الحر الرياحي (ره)

الحر الرياحي يصيح جيت اليوم يحسين
 قلبه تفضل توبتك الله قبلها
 تنصر حسين وتسكن الجنه وظلها
 قلبه الإنس والجان ما تسوى خيالك
 كلنا فلا نسوى يتيمة من اطفالك
 والله لشيل العلم قدامك ولا هاب
 يتعفّر بحر الوطيه فوق لتراب
 ويبتهل لله ودمعته بخده جريه
 جعجعت انا بحسين لرض الغاضريه
 ونادى على ابنه ودمعته بخده هموله
 هذا ولدها من الظما ذايب دلوله
 ووصول مع ابنه في الحريه وصاروا احرار
 ودبوا عن اولاد النبوه ويبت لظهار
 تايب الى الله جيت لك بين الميامين
 وانجان تبغي تنظر الجنه واهلها
 وتحظى بشفاعتنا وتحظى بآل ياسين
 وانا السبب يحسين في ضيعة عيالك
 لو ضاعت بها الليل وين تروح يحسين
 وخدي قبل خدك يضمنة داحي الباب
 والخيال خلها تدوس صدري شمال ويمين
 يا ربي تقبل توبتي بجاه الزچيه
 واحتاطت العسكر عليه شمال ويمين
 بيض يروحي وجوهنا عند البتوله
 واطفال عنده مروعه ويا نساوين
 وطبوا على الفرسان وخلوا الجيش مختار
 وتفانوا بحر الوطيه دون لحسين

سكينه تطلب الماء من عمته

من خيمه لا خيمه سكينه تدور الماي
 وانجان عندكم ماي يا عمه اسقوني
 واخواني الرضعان يا عمه ادهشوني
 قالت بينتي بها لحي تحت ضلوعي
 لو الدمع يروي رويته من دموعي
 لكن يسكنه نروح يم الهاشميين
 ينظر رضيعه اشلون منه غارت العين
 نزل الجود وصارت على الجود لمة
 واندفق ماي الجود وما حد شرب منه
 هذي تحط الجود يم خدها وتبرده
 وزينب على الرضعان تتحسر بشده
 وتقول يا عمه يزيب ذايب احشاي
 هذي خواتي من عطشهم ذوبوني
 واما الرضيع يلوج متحسر على الماي
 مثلج بينتي من العطش ما سكن روعي
 زدتين حزني يا مصونه وزاد بلواي
 وحلمي الرضيع وياح خله يشوفه حسين
 ولنه ابو فاضل بجوده جايب الماي
 هذي تون وتقول عطشانه يعمه
 وظلوا بعطشهم ما أحد منهم شرب ماي
 وهذي تشيل تراب من تحته وتمرده
 وتصفق بياديها من الحسره بلا راي

الحسين (ع) عند مصرع العباس (ع)

وانكسر ظهري يا عضيدي وشممت اعداي	طايح بجنب الماي خويه ومشريت ماي
لكن أخوك حسين ظل حابر بلا انصار	وافي يخويه والوفا من شان لحرار
هالطيحه يا عباس خلتي بلا راي	وظليت وحدي يا عزيزي بين لشرار
مثل الصقر ليمن وقع مكسور لجناح	من حين وصل يم عضيده بالعجل طاح
سهم الذي بعينك يذخري مزع حشاي	وراس الأخو حطه بحجره والجلد راح
من حجر اخوه حسين ويقله يمناع	ومن الإبا عباس ذب راسه على القاع
منهو يحط راسك بحجره عقب فرقاي	راسي على التربان خله حان لوداع
يحسين شيل السهم من عيني على هداك	يفداك يحسين الأخو بالعمر يفداك
والله خجاله ما وصلت الخيم بالماي	وانت يخويه تشيل سهمك ما حد وياك
والمعذره لله وقلهم يعذروني	خجلان من زينب وسكنه يحرسوني
وتحيرت يحسين وما حصل على هواي	حاولت اجيب الماي لكن حاوطوني

الآن انكسر ظهري

ظهري انكسر مني يخويه وانعدم صبري
مفضوخ راسك والدماء فوق الثرى تجري
والسهم وسط العين
و مقطع الكفين

مغسول جسمك بالدماء لو هذي جروحك
ما تنحسب لجروح ومنها يسيل دم جوفك
والسهم وسط العين
و مقطع الكفين

لوردت اشيلك چيف اشيلك والظهر مكسور
يا سوري العالی تهدم من شهر عاشور
والسهم وسط العين
و مقطع الكفين

يمكن اتحمل وارفعك عن حرة التربان
لكن چفوفك بيش المها يا قمر عدنان
والسهم وسط العين
و مقطع الكفين

زفاف القاسم بن الحسن (ع)

منهم كفو يضيفون مثل ابن الزچيه من يوم ضيّف في طفوف الغاضريه

ما تنقضي ضيفه حسين ابن الأماجد هذي المآتم للضيافه والمساجد
لنه حسين بكر بلا سبعين واحد راواهم الجنه وعرسهم سويّه

زفهم بحور العين وكلمن زفه وراح وشموعهم لسيوف ويّا طعن لرماح
واما المبارك يوم جنب المشرعه صاح لحد يخويه شممت العدو ان بيّه

رحتون يرجالّي وانا ظليت حيران وعندنا بعد معرس بقى من اولاد عدنان
قوموا يفرسانّي نزهه بثوب لكفان جاسم يتيم وهيج احزاني عليه

جاوب لسان الحال عنهم بين لكرام زفه ويانا للمنيه فوق لرغام
ترى احنا شربنا الكاس من حيدر الضرغام من حوض في الجنه وعيشتنا هنيّه

أيس من اصحابه ورجع للخيم مكسور ونادى يزيب بالعجل طلّعوا من لحدور
قوموا نرف جسام يختي بلطم لصدور والطيب يا زيب تراب الغاضريه

يعز على عمك أن تدعوه فلا يجيبك

من وصل ابو سكينه	الحريه وعين الجاسم
طايح من على الغبرا	وما منه عضو سالم
عين لابن اخوه وصاح	يني توته بالي
وشبت شمعة زفافك	بجدي وذاب دلالي
وخضابك ينور العين	خضب جملة رجالي
مدد بالثرى ييني	ويمك كل بني هاشم
الله يا أسف معرس	ومنه كفوف مخضوبه
لكن هامتك ييني	بسيف البين مصيوبه
معرس وانقص عمره	قبالي مكفن بثوبه
شاله من على صدره	وبخده الدمع ساجم
شاله من على الغبرا	ودمه سال بچتوفه
شي سايل على الرمضا	وشي جامد على زلوفه
قصده يروح للخيمه	ومنه الروح ملهوفه
وصل خيمته ونادى	يزينب جيت بالجاسم
فرت زينب وسكنه	من سمعوا لوناته
تقله عادة العريس	يتخضب براحاته
وانت معرسك يحسين	ما تنحصى جراحاته
مخضوب الجسد كله	وما منه عضو سالم

ورمله طلعت مدهوشه
وتنادي ينور العين
آ يا شمعة الشبان
رحت بيني وانا ظليت
ظني يا لولد تبقى
وافرح بك ينور العين
وبُدال الفرح ظليت
ميت يا ضوى عيوني
لبنها وسمعت نزاعه
رיתי لا عشت ساعه
ييني الحلوه اطباعه
لاوالي ولا راحم
وأعلق شمعة زفافك
لو قالوا بلمبارك
مفجوعه على مصابك
ومن حولك بني هاشم

الأكبر وابن غانم

وشبه النبي حصل الرخصه من الولي حسين
 ونادى يشيعه آل اميه وعصبة يزيد
 والا أخليكم ضحايا واصبغ البيد
 وين سعد نادى بصوت متغطرس ومغتر
 چنكم قصب يحصد جماجمكم ويفتر
 بكر ابن غانم وين خبروني بمكانه
 والراس منه يقطعه وعندى ضمانه
 قلله أنا معروف فني بكل لمصار
 ومثلي ميطلع يا عمر لبارز صغار
 وطلعت اولاده مسلحه بسيوف وانبال
 طرحهم الأكبر بعزمه فوق لرمال
 وبس شاف ابن غانم اولاده ضاقت الموت
 ونادى عليه اليوم يالأكبر ولا تفوت
 وتبارز الأكبر وياه وأظلم الكون
 وصابه بطعنه حيدريه وطاح مطعون
 وتربع بصدرة وحز الراس في الحال
 ناس تصيد طيور واحنا نصيد لبطال

وحوّل على شيعة أميه شمال ويمين
 ردوا عن دروب النشامه والأماجيد
 ومزّق العسكر من سطا وشق الجناحين
 منهو علينا حوّل وفلل العسكر
 وفرسان وياكم احتارت واختفت وين
 يطلع لهالشاب الذي صكنا ودهانا
 أضمن له البصره ولو يبغي العراقيين
 موصوف انا ومعدود للشجعان لكبار
 واحد من اولادي يجيبه أسر في الحين
 وتبارزوا ويا الغضنفر وابن لبطال
 سبعة وخلاهم على الرمضا مطاعين
 ليهم تزفر والقلب ملهوف مفتوت
 يوم افجعتني اليوم لازم بفجع حسين
 وترجل ابن حسين والعسكر ينظرون
 وحسين يم باب الخبا ينظر للاثنين
 ولحسين جابه يصيح عاين فعل لرجال
 هذا قنصنا في الحريه آل يس

الكأس الأوفى

من شافني مقطّع يبويه وذائب حشاي
من شافتك وحدك محير مالك معين

لكن يبويه شربة ما هي هنيه
من طلعت تنادي من المقتول يحسين

من قالوا لها لكبر تقنطر بلرغام
قلبي جرحته وعمتك سوته جرحين

جدي سقاني كأس يا بويه من الماي
وامي الزهرا تلطم الهامه بلا راي

جدي سقاني كأس والشربه رويّه
من صوت زينب عمّتي نعص عليه

قله يروحي عمّتك منها العقل هام
وصعبه عليه تطلع الحورا من خيام

دفن الرضيع واستخراجه

يحسين طفلك بالعجل دفنه بلتراب
لا تتركه بحصيته قلبي ترى ذاب
لا تتركه يحسين مرمي فوق غبره
ليتج نظرتي اليوم حالتنا يزهره
من يقدر يعاين طفل مقطوع نحره
وامه عليه من المصيبة راسها شاب
والله مصابه ذوب قلوب النساءين
ما تقدر تعاين طفل مذبوح يحسين
كثر الظما نشف مدامعها من العين
قرحت والله جفوننا من فقد حباب
قام الشهيد وشال طفله يم خيام
يحفز حفيروه والدمع بالخذ سجام
وواحد من العدوان شاف حسين من قام
يدفن وليده وظل يهيل عليه لتراب
ومن عقب ما خلصت العرکه بذبح لبدور
وحسين ويا عزوته ظلوا بلا قبور
والروس منهم قطعوها يوم عاشور
وظلوا يقسموها بعشائيرهم وحساب
يتقربون بروسهم حق نسل لرجاس
كل العشائير قاسموها وسائر الناس
راح لقبر ذاك الرضيع ولا اختشى وهاب
وذاك اللعين اللي نظر له وما حصل راس
يتقربون لهم وحتى بروس لطفال
ومن هالمصيبة يا خلق حتى الحجر ذاب
نذل زنيم وراذ يتقرب للنذال
وظل يحفر بقبره وحز الراس في الحال
وجابه لعند حسين يا حالة القشرا
والراس شاله والجسد ذبه بصدرة
مهدك يعبد الله صدر مهجة الزهرا
والمهد مالك محترق من حرق لظناب

نزول الملائكة لنصرة الحسين (ع)

نزلت املاك من السما في الغاضريه بتريد نصره وما قبلها ابن الزقيه
 والجنان وياهم اصطفت يوم لطفوف وقفوا قبال حسين جمله و صاروا صفوف
 ونادى عليهم والقلب بالعطش ملهوف من بعد هالشبان ما ريد الدينيه
 ونزلت صحيفه من السما لحسين مكتوب فيها يمن جدك صفي لي ومحجوب
 إنجان تبغي النصر من علام لغيوب طلبه الساعه تحصله بين الشفيه
 نادى يربي طلبتي عفوك ورضواك عن شيعتي واشفع اليهم يوم ملقاك
 عايف الدنيا والخلق في طلب رجواك كله لجل حبك ودينك هالرزيه
 وأوما على الأملاك عنه تروح في الحال وانفرد وحده بين قوم وكلهم انذال
 وتبادر لهم بو عليّ و صار لمجال كلمن قرب منهم دنت منه المنيه
 لكن عطش وقت الحرب وحسين وحده يا هازم الأحزاب يا من نصر عبده
 سبعين الف تحمل وبس حسين وحده وجاه الحجر في جبهته ذيك المضيّه
 وسالت دمومه وراذ يمسحها عن العين ولّنه بسهم محدود ومثلث على حسين
 نازل وسط قلبه وثلث لبة حسين وذيك الشمس غابت بأرض الغاضريه
 راد الحنون يطلعه من خرز ظهره يا ربي تقبل وهو يجذب الحسره
 سهم بقلبي صدق لو مسمار زهرا يختي يزيب بالعجل لحقي عليه

خروج زينب وسكينة للأجساد

ما ظنيت يا عمه ولا كانت على باي
 عشيره يوم نفقدها وظلينا بلا والي
 قالت قومي نلوي يعمه بوادي العركه
 حتى نشوف وليانج ويم اجسادهم ننعى
 بنغسل جنايزهم من العينين بالدمعه
 يمكنه ولينا يقوم ينظر حالج وحوالي
 راحت للمعاره اشلون يحبين روحتها
 وعلى ذيك لجساد تريد سكنه بايد عمتها
 وياهم حرم وايتام كل من تدق هامتها
 وصلوا يم جنايزهم وصار نياحهم عالي
 يا عمه انصدع قلبي من الشبان مصروعه
 جنايز كيف نعرفها ومنها الروس مقطوعه
 ومن هاللي بجنب حسين حتى مكسره ضلوعه
 قالت لا تنشديني يسكنه انصدع دلالي
 هذي جثة ابن امي ويتكلم من المنحر
 وهذا اللي بجنب حسين يسكته علي لكبر
 وهذا معرسج طايح على التربان ومعفر
 فجعني حسين بمصابه يسكنه واندهش باي

يا عمه وشنهو اللي	بصدر حسين مطروحه
هذي جثة صغير	بسهم البين مذبوحة
قالت هذا طفل حسين	وجبد امج المجروحه
صار المهدي صدر حسين	لابنه والمهد خالي
وهذا عون ومحمد	اليهم ليالي سهرانه
كل واحد غصن مقصوف	منهم قبل ميحانه
وابوفاضل على الشاطي	وهاللي مقطعه اخوانه
يسهم البين بسك عاد	بالله درحم بحالي
الله يا سهام البين	صابتني بهالسفره
سهم الصاب قلب حسين	صوبني عقب صدره
وسهم الصاب عبد الله	يوم الطوقوا نحره
وسهمك يا قمر عدنان	تري هو صاب دلالي
وجنه بالسهام تقول	خلي هالعيب عنج
روحي سايلي المسمار	يوم صاب صدر امج
وحرقت الباب ذاك اليوم	منه محترق خدرج
وعصرة فاطمه بالباب	ما خلت الج والي

هذه القصيدة قتلها بعد الليلة الثالثة من وفاة الخال عبد المجيد بن الحاج موسى المرزوق رحمة الله عليه المتوفى في ١٩ من شهر رمضان ١٤٠٦-١٩٨٦ لما تأثرنا بفقده لأنه كان رجلاً مؤمناً وكان هو المسؤول عن ماتم (الحاج علي المرزوق في الدراز) وهو من البكائين والمعزين في ذلك الماتم، فتأثرت عليه تأثراً شديداً وحزنت وأنا معذور فكيف بمن يفقد عشيرة في يوم واحد وهي زينب الكبرى فكتبت لها وأنا متسل بمصيبة الحسين (ع) وذكرت اسمه كي يترحم عليه القارئ الكريم.

في حرق الخيام وليلة الحادي عشر من البحر الركباني

ليت العوادي ترض جسمي ولا رضتك
ولا تلومني يا لولي ما غسلت جشك

ليلة الحادي عشر الله يا فجعتي
كم يتيمه تحن عطشانه يا عمتي
والسهر شل القوى والعطش فت مهجتي
وظليت في غربتي يحسين من غربتك

نار بخيم تشتعل واجساد فوق الثرى
وحريم ثكلا تحن واطفالها مطشره
ياللي ريينا بحجر عايتي محيره
حرقوا خيمنا ترى وتطشرت عيلتك

هذي بليا ردا ووحده رداها التهب
واللي تدور طفل والحجل منها انسلب
أعتب وأدري بعد ميفيدني هالعتب
الله ياللعب يحسين من سفرتك

وعندي عليل ويحن مثل المطر مدمعه
وكم يتيمه بقت يهلي بلا مقنعه
شمل وتفلل طبق منهو الذي يجمعه
ياللي على المشرعه وينه بعد غيرتك

عباس يا ضنوتي ياللي حويت الشيم
فوق النهر من طحت سوري العالي انهدم
متجيب ماي النهر وتطفي نار الخيم
وسفه رموك بسهم والعمد شق هامتك

البحث عن ولدي مسلم (ره)

طلعت تدور اولادها ذيك النجبية نوبه على الشاطي ونوبه على الحريه
وتنادي بفضه ودمع العين سجاب قومي يفضه ندور الطفلين لنجاب
تعبت خواتي لها مصيبه وفقد حباب ما وحده منهم ما دعتها هالمصيبه
وفضه تنادي والقلب ملهوف چواي وادي الحريه ظنتي فروا بلا راي
لورا حوا الشاطي من الحسره على الماي وراحت وياها ووصلوا وسط الحريه
يا سادتي والله مصيبتكم فجيعة ما شوف انا الا حسين وبصدره رضيعه
ما شوف انا الا حسين وبصدره رضيعه
قالت عجل وادي الشريعه قومي نروح يمكن مع اللي من على المسناة مطروح
لو شافوا زنوده ومنهم غابت الروح وراحت وياها وعانوا كبش الكتيه
چنه قمر محسوف راسه بضربة عمود ونادت أخوها والدمع يجري بلخود
ما جت لك ايتامي يمن قطعوا على الجود كفينك وخليتني بعدك غريه
جاوب لسان الحال وزلزل أرض لطفوف لو جوني والله چان بحضنهم عن الخوف
لكن اخوچ اشلون يحضنهم بلا كفوف تميت هالعيله ألها يا نجيه

اليتيمه والماء

ناحت يتيمه من يتاما الغاضريه من جابوا لها الماي وقالوا يا زچيه
 شربي لچ اشوي ماي ندرې بكم عطاشى وخلي البچا عنچ وبردي ها الحشاشه
 قالت اتنها بماي بعد حسين حاشا عطشان ابويه وما شرب قطرة اميه
 والله حرام الماي من بعده نشربه خلني اموت من الظما بديار غربه
 عيشي تكدر من بعد عينه وكربه صابتي وصابت بنات الهاشميه
 وتلهفت زينب عليها بقلب ذايب وقالت يبنتي لا تهيجن المصاب
 بسي يروحي عاد من فقد الحبايب خوفي عليچ من الظما تموتين ليه
 خوفي تموتي بهالفلا واحنا بهالحال واتحير بأمرچ وانا حرمه بلا رجال
 منهو يسوي لچ قبر ويجيب شيال راحت رجالي وذوبتني الغاضريه
 وصاني ابن امي بحريره صغار وكبار وقلبي يزيب هالله هالله ابيت لطهار
 لا يكون طفله تنسلب وتظل بلا خمار لكن اشبيدي سلبتنا آل اميه

الرباب والرضيع

حتى المهّد حرّقوه بيني اشلون أنساك يا نور عيني اشلون بفرح عقب فرقاك
وقامت تلوي في المعاره شمال ويمين وشافت صغير منجدل يم جثة حسين
إيده على صدر الأبو ومغمض العين والسهم في نحره ودم الطفل سفاك
طاحت على الاثنين وتطوّح الونه والسهم من نحر الولد شالته منه
وتقول ساسك يا سهم معروف عنه من ضربة المسمار متفرع من هناك
مسمار صير الباب من صابج يزهرا حتى رضيعي جاه وتطوّق بنحره
وظلت على ذاك الطفل تجذب الحسره وتقول بيني عيشتي قشره بليّاك
وزينب تدورها ومنها القلب صادي تنادي على سكنه ودمع العين بادي
قومي يسكنه ندور امج بيّ وادي ما ظنتي الا في المعاره راحت هناك
راحوا ولنّها امّده بين المجاتيل تنادي ييو السجاد ظلينا بلا كُفيل
وزينب تفلها ليش توهتي بهاليل يحسين اباري نسوتك والا يتاماك

طفلة من أطفال الحسين (ع)

متعلمه كل يوم لمصلى تجيبه قدام ابوها تنشره ذيك النجيبه
 وفي يوم عاشر نشرته يم الصياوين تحرس ابوها تقول يمكن يرجع حسين
 ومُن السهر بالليل منها نعست العين فوق المصلى ما درت عن هالمصيبه
 تحسب أبوها يعود من حومة الميدان ما درت ملتمة على جسمه الجيمان
 چنه أسل من كثرة الأسهم والزان وسلبوا ثيابه وجثته ظلت ساليه
 وطالت بنومتها ولن بهجمة القوم وواحد من العدوان فزرها من النوم
 بالسوط يضربها ولمن رادت تقوم سلّب تراكيها وخلاها بخيبه
 وصاحت اني طفله ویتيمه وتضربوني وحسين ورجاله نسوني وضيعوني
 شمسويّه يا قوم حتى تروعوني قلها عقيب حسين ظليتي غريبه

طفل من العائلة الحسينية

مُن محبتك بيني مزينه لك تراكيك مدريت طير البين بيني حاتم عليك
 صُغِيرَ على باب الخبا واقف وسالي وجاهك السهم وتعفرت بيني قبالي
 ربيت بيني واسهرت ذيك الليالي ريت السهم جاني يا مدلل ولا يجيك
 وظلت على ذاك الطفل تبكي وتنعي باغسل دمومك يلمدلل بدمعي
 ومصيبتك بيني دهنتي وحت ضلعي ظنيت تبقى لي تسليني واسليك
 وزينب وياها جالسه وتلطم على الهام وتمسح على ذاك الطفل والدمع سجام
 وتقول بس يا غاضريه من هلسهام حتى لصغار تذبحوا يا كربلا بيچ
 كم سهم صوب مهجتي يا فجعة البين من وين اني يا كربلا وانتين من وين
 حسيت باسهامچ قبل ميسافر حسين يا ريت لا جينا ولا شفنا أراضیچ

مجيء الإمام علي (ع) لكربلاء

بسك عاد من هالنوم	ياللي بالنجف متقوم
وروح الكربلا هاليوم	شق اللحد يا حيدر
حق سلمان لتعنيت	من طيبه يو الحملات
خليته وله ما جيت	بس حسين بالتربان
حق جسمه ولا وارىت	ليش الكربلا ما جيت
وزينب حول جسمه تحوم	جسمه بالفلا مرمي
يحيدر لو تعانها	مصيبه اشلون نوصفها
قوم بعجل كنفها	شبولك بالثرى صرعى
قوم لها وطمنها	وزينب حايره بعيله
وسكنه تحوم وام كلثوم	تراهم ما لهم والي
بالصلوات والشده	جاوبنا أنا المعروف
يموت وما حضرت عنده	وما واحد من الشيعه
واللي تسلبوا بعده	يشيعه ما نسيت حسين
وشفت المعركه ولدموم	جيت بليلة احد عشر
ضوّت لي على الغبرا	شفت نجوم محسوفه
يوم العاينت نحره	قمرها حسين توّهني
وعبدالله على صدره	وبجنبه علي الأكبر
وعبدالله بسهم مفظوم	والمعرس بطيبه يفوح

وصوب المشرعه تعيت
 ولنها كفوف مبريه
 وقلبي انصدع من شوفه
 ونهر العقمي تلون
 ورجعت لُصوب خيمتهم
 ولن بيها حرم تنعي
 والأطفال هاي تنوح
 وزينب واقفه على الباب
 ولنها تعتب عليه
 وارد عتابها بحسره
 مصيبتكم سمعناها
 حور العين لبست سود
 وبس سواد هالليله
 وقبل يطلع فجر هالليل
 ما أقدر بعد أنظر
 صعب وادهى عليه تشيل
 واخوتج صعب شوفتها
 شوف الليل ذوبني
 لكن بالنهار اصعب
 تخيرت بظلام ارجع
 اعاين جثة العباس
 ييم جثه بليا راس
 ويمه صعدت لنفاس
 بحمره من كثر لدموم
 ولنها بنار محروقه
 ومنها جيوب ممزوقه
 وهاي بخيل مسحوقه
 وبخدها الدمع مسجوم
 تقلي اشعوكك عنا
 ولوعه ونوبه بونه
 يينتي حتى في الجنه
 تنعى مصيبة المظلوم
 يزينب جيت أحرسكم
 شايل والله يحفظكم
 على الأكوار شيلتكم
 هالخرات ويا القوم
 يزينب بالعرا ولشموس
 وخالاني القلب محموس
 أعاينهم بليا روس
 قبل يطلع فجر هاليوم

مجيء الزهراء (ع) ليلة الحادي عشر

يحسين والله مصيبتك من دون لولاد
 وهاجت احزاني يا عزيزي والقلب ذاب
 يوم بقيت على الوطيه ومالك ثياب
 وحتى رضيعك يا ذبيحي ذابحينه
 وصيوان زينب ليش قلبي حارقينه
 قلها لسان الحال عنه يا بتوله
 ومن شان شيعة حيدر اللي بايعوا له
 قالت مصابك يا حبيبي ما جرى وصار
 وايتامكم شالت أسارى فوق لكوار
 نستني ضلوعي وفئت مني لفاد
 ونسيت اني اللطمه بعيني وعصرة الباب
 وحريمكم شالت أسارى ويّا لوغاد
 منحور نحره وبسهمهم فاطمينه
 ومقيده بحبال ويّا زين لعباد
 كله لجل دين النبي لا حد يزوله
 تقطيع جسمي واخوتي وجميع لولاد
 حتى خيمكم عقب ذبحك تشتعل نار
 يحدني بها الحادي من بلاد الى بلاد

الطيور التي ظللت على الحسين (ع)

حلت طيور من السما تظلل على حسين تصبغ نواصيها بدمه والجناحين
 وطيور منهم فوق جسمه تنوح وتحوم وطير على بستان ومخضب بدموم
 وهناك طفله من المرض ما تقدر تقوم رفرِفَ عليها وقال مني لا تخافين
 لا تحزني مني ولا تخافي المنيه أنا الطيب وجيتي من الغاضريه
 عندي دواج دموم من دم الشفيه والله رفع عنها المرض بدموم لحسين
 وطير على قبر الوصي ونادى يكرار لو تنظر شبولك ضحايا فوق لوعار
 والحجبتها وما تطلعها بلنهار راحت على كور الجمل ويا النساءين
 وطيور راحت صوب مكة تقطع برور تنعى على الكعبه وبيت الله المعمور
 هاللي طلع عنج وحج بيوم عاشور صارت ضحايا أخوته وكلهم مطاعين
 وطير على قبر النبي والدمع بداد سبطك يطه بلا غسل وياه لولاد
 وما بعادتكم تخلوهم بلوهاد كم مره بصدرك تشيل الحسن وحسين
 وعرج على قبر البتوله وقام يعي ياللي بقرها تصيح ليل نهار ضلعي
 وارتفعت الحيطان من همت بتدعي لو تنظرين حسين چان اليوم تدعين
 وعود على قبر الحسن والدمع مسجوم حالة عضيدك لو تعاينها يمسموم
 حتى رضيعه فوق صدره بسهم مفطوم وشبان حوله مصرعين شمال ويمين
 وتالي على دار العليله رفرِف وصاح ذُبِحَتْ هلج كلها وعزچ قوض وراح
 تركي المعزه والبسي له ثوب لتراح ونصبي الماتم يا مصونه لذبحه حسين

سبي زينب وخطابها للحسين (ع)

ياللي جبنتي قوم ردني لرض لو طان كيف الحريم تشيل خويه بغير وليان
واحنا ولينا الجامعه حزت وتينه من فوق ناقه وبحبلهم شادينه
يا غاضريه ليت لجلج ما لفينا ذبحت شيوخي فيج مع جملة الشبان
والله حسافه تظل على الغبراها لجسوم جنك قمر مخسوف بين امي مع نجوم
واصغر نجم منهم رضيع بسهم مفظوم لمسامحه يحسين ما حصلت دفان
نخيت بين امي بدفنك قبل منشيل وجوابهم ليه بصدرك تركب الخيل
وتكسر قبالي ضلوعك والمفاصيل واطفالكم تنظر ومنها الدمع غدران
ولنها بالحدادي يصيح بسج من هالعتاب تعبتين يا زينب بصرعى فوق لتراب
والروس قدامج مزهره فوق حراب ذل وسى تشوفين ما هي ولية اخوان
للكوفه بنوديج وتالي بلدة الشام حسبي حسابج للهضاييم ويا ليتام
ودروب صعبه والمسافه تاخذ ايام والنوح زادج والشماته بين عدوان

فراق الحوراء لأخيها (ع) من البحر الركباني

يحسين ما هي بسهل صعبه ترى فرقتك
بنشيل يا مهجتي وفوق الثرى جشك

بنشيل يا مهجتي وانت بليّا غسل
سامح خواتك ترى مجتوفه كلها بحبل
ولا تلومنا يا لأخولو طاح منا طفل
النّوق صعبه وهزل ومحيره بعيلتك

هذي تصيح العطش ذوبني يا عمتي
لوّ الدمع ينشرب لرويهها من دمعتي
بالحادي مروعه وتزيد من روعتي
الله يا ضيعتي يحسين من ذبحتك

واللي بحجري غفت تعبانه من السهر
وما نام منا جفن ليلة الحادي عشر
واصبح الحادي يحن ريت الصبح لا ظهر
ويا ريت مالي نظر ولا وشفت حالتك

أصحابك وعزوتك وياك فوق الوهد
منهم شباب وغصن وشيوخ فيهم بعد
ومن فوق صدرك طفل والصدر صاير مهد
بالدهر منصاب احد يحسين بمصبيتك

بوداعة الله غصب بنشيل ويا العدا
ساقوا الظعن يخوتي والحادي بينا حدا
عباس وين الوعد متشوفني مقيده
ما تقبلون الردى ومعدور من طيحتك

خطاب العقيلة للعباس

نايماً بجنب الماي خويه ومشربت ماي وما تدري يا عباس مني اشراذت اعداي
 جابوا هوادج حق سفرنا مالها ظلال يا قمر هاشم قوم ركب لي هلطفال
 قلها دعدريني بلا يمني ولا شمال مفضوخ راسي وبسهم محسوفه عيناي
 شفتين صولاتي بينت الصون والجود محّد وصل خدرچ وانا ويّاج موجود
 وبس طحت فوق الماي يختي بضربة عمود صرتين في ولية أعادي وكلم ارداي
 قالت عجل يا كافلي الله كفيك معذور يا خويه وعلى راسي جميلك
 من وين يا عباس باحصل مثيلك عقبك ذليله والقلب ملهوف چوأي
 ياللي جبتني وداعة الله شال ظعني ويّازجر كل حين يا خويه شممتي
 وليمن صرخت الغوث جا بسوطه وضريني وهذي حرمكم واليتاما تنوح ويّاي

أم المصائب زينب

ما حد شاف مثل الصاب	زينب بت علي الكرار
أول نايه انصبت	عليها يوم حرق الدار
تسمع صرخة امها تصيح	يوم صابها المسمار
معصوره بصير الباب	والمحسن سقط منها
لوعها الدهر لوعات	ما حد شاف لوعتها
راواها مصاب امها	وابوها وجملة اخوتها
رزايا تلممت كلها	عليها اشلون لمتها
ما يوم الدهر نشف	دمعها وسكن لونها
حيدر شافته مصيوب	راسه بسيف ابن ملجم
وجبد الحسن شافتها	بطشته من لهيب السم
وتالي كربلا جتها	يشيعه بشهر لمحرم
عشيره تذبحت في يوم	ما واحد سلم منها
ما صار وجرى ابدا	مثل هالفجعة القشره
حرمه تشوف واليها	مجدل من على الغيره
وشمر بن الخنا جاثم	ومتربع على صدره
وين المرتضى الكرار	حيدر ما درى عنها
لو حرق الخيم بالنار	لو تلويح عيلتها

لو ليلة الحادي عشر	قلي اشلون ليلتها
وحدا حادي الظعن بهم	ومروا بها على اخوتها
وويها بنات حسين	كل وحده تجر ونها
بس ايتام ويا عليل	وجملة حرم حيرانه
وتعين اخوها حسين	مرمي وياه شبانه
وتقله ينور العين	ما حصلت دفانه
تواريكم يخويه حسين	والاجساد تدفنها

زين العابدين (ع) في كربلاء

أنا عليل مقيديني ويش سويت	يا طوق ياللي برقتي للنحر حزيت
الله يقيود الدهر من وين جيتين	صرتين في ساقى بيوم تقنطر حسين
ومن طاح فوق الماي عمي بغير كفين	عني وسادي انشال وبلفراق ظليت
من عادة المأسور لازم يرحمونه	ما يرفل بقيده وناس يشتمونه
ومن يطلب الرحمة يقوموا يضربونه	هالشكل يا دهري بهالسادات سويت
واحنا الذي في بيوتنا نازل القرآن	وجدنا رسول الله حق الإنس والجان
واليوم نسوتنا بقت من غير وليان	فوق لكوار مأسره ومن تون ونيت
جمعة حريم مسلبه وبلا رجاويل	وما أحد غيري وفوق ناقه تميح وتميل
واطفال عطشانه ومسير نهار وبليل	كم درب قاسيته وكم بلد مريت

العقيلية وولدها

نادى على امه ونادته يالولد شتريد
كل لولاد اليوم لبست ثوب جديد
جابوا أسارى فوق هزل تلطم الهام
والكل يقول لصاحبه أبرك الأيام
حس القلب منها ودمع العين سايل
عن هاللي مسيات من فوق الهوازل
عود وسایلهم يهاللي بغير وليان
قالوا اسياذ الناس لكنّ الدهر خان
وقال اطلعي يمه ملابس فرحة العيد
والشام كلها معيدين صغار وكبار
والشام كلها زينوها بنشر لعلام
وهالعيد أبدا ما جرى مثله ولا صار
وقالت يروحي عاد أول روح سايل
من وين ملتهم يروحي ووين لديار
بالله اخبروني عن دياتكم ولوطان
تعاون مع العدوان وشتتنا بهلديار
وقال استعدي يا حزينه لكثرة النوح
ويّا بني عمه واخوته صغار وكبار

خطاب الحوراء ليزيد

بين الطليق الما عرف أصله وعاره
لو لا السقيفه ما حصلتون الأماره
جدي أسركم من قبل وانتوا عبيده
من يوم حيدر كسر الأصنام بيده
چنك متدري من قبل چنتوا أسارى
اسكت بين دكوان لا تشتم أهلنا
من فتح مكه وبالفلا صرتوا شريده
وعنكم عفينا والعمو شيمة أهلنا

وانجان شامت ما على الموته شماته
 ذبحك حسين وعزوته وسيك بناته
 منهو اللي يدري بالخلق ساعة وفاته
 ما هو نصر ليكم ولا تمحي ذكرنا
 بس ما شفتني بمجلسك عندك أسيره
 قلت انتصرنا واحنا صرنا بالكسيره
 خليت راس حسين قدام اليتاما
 وحز الحبل بحلوقنا سوى علامه
 كلمن تعاین هامته تلطم الهامه
 وانت مع الجلاس تتفرج علينا

فاطمة بنت الحسين في مجلس يزيد

ضيعتنا يحسن بويه بين ظلام
 ولاذت بعمتها ودمع العين هامى
 لملك تخدمنا وتالي نصير خدام
 من شافنا أسرى وما عندنا محامى
 زينب يعمه دسمعي طلبة الشامي
 ومنكسين الروس ومنا الدمع سجام
 أظنه يستخدمني واظنه يطيعه يزيد
 هذي الكسيره چان صرت ابيت ظلام
 قالت بينتي طلبته ما هو كفوها
 والشيدوا الإسلام والكعبه حموها
 روح القدس عندنا وكلنا بيت علام
 ونشفت دمعته ونادت بنت لطياب
 لو شفتنا يحسن غربه بين جناب
 هي سفرة ابن امي الما خلت لي احباب
 ويزيد يهضمنا يخويه بمجلس العام
 لو بالطشت يحسن أنظر بيه راسك
 نوب على شفاتك ونوب فوق لیتام
 ويزيد بيده مخصره وينكت اضراسك
 أسكت حريمك يا خليصي لو بناتك

راية أبي الفضل في مجلس يزيد

تشهد لك الرايه يبو النفس الأبيه
 خلّت يزيد يصفق اليمنى بالشمال
 منهو نشرها بكر بلا وياهو لها شال
 شفتها أنا بصفين حيدر شالها وصاح
 ولو ما رفعنا هالمصاحف فوق لرماح
 قالوا أبو فاضل حملها راعي الزود
 چنه سحابه حوّلت بنزول وصعود
 وقلل العسكر يوم صال بصولته وجال
 نبغي نسد دربه ولا خلا لنا مجال
 الله واكبر واحد ويفعل هلفعال
 قالوا نعم لو ظلت اليمنى ولشمال
 لكن رموه بسهم وعيونه عماها
 ونادى ألف وسفه على سكنه وحشاها
 وشفنا أخوه حسين ظهره حانينه
 چني ابويه اليوم حيدر فاقدنه
 من يوم نشروها بمجلس بني اميه
 ومن التخت حوّل وصاح بصوت يرجال
 معلوم هاللي شالها صاحب حميه
 وتزلزلت شاماتها وكلمن قرّب طاح
 إنجان مثل القصب يحصدنا سويه
 فلها وحمل بينا وجتنا بروق ورعود
 وقلنا علي يمكن نزل بالغازيه
 واحنا على ذيك الشريعه خيول ورجال
 وخاض الشريعه ولا شرب قطرة اميه
 وانتون متدرعين سبعين الف خيال
 انجان حتى التخت مالك زال فيه
 وسهم على القربه ومنها اندفق ماها
 وعطشان اخوها وما شرب قطرة اميه
 جمع كفوفه وظل يقبلهم بونه
 وتوي فقدت الأهل برض الغاضريه

فضل زيارة الحسين (ع)

لو فاتك الحج يا لمحب عرّج علي حسين
 روضه من الجنه وتربه ما مثلها
 فازت بقبر حسين وفاز اللي احتظى بها
 ياللي بلا ناصر بقى وانحز وريده
 ونزور أولادك ولروح السعيده
 نوقف على قبرك نصب الدمع نثار
 والجاسم اللي انكسر عرسه بضحوه نهار
 عن طفلك المذبوح ما ندري بقيره
 طفلي بصدري والسهم نابت بنحره
 ساقى عطاشى كربلا وبدر الهواشم
 روحوا ضريحه واندبوه بدمع ساجم
 ليمن وصلتوا الخيم ذكروا ذيك خدور
 وذكروا خواتي يوم طلعت مالها شعور
 وذكروا الحورا چان مريتون بالتل
 خيام حرقوها ولا برقع لنا ظل
 بتشوف قبه من ذهبها تعشي العين
 ليل ونهار املاك مختصه لجلها
 وادخل على هون وسكينه وصيح يحسين
 جينا نزورك من مكانات بعيده
 وبس ننظر الشباك تجري دمعة العين
 ولكبر علي نزوره وجمله ذيك لنصار
 وعندنا سؤال نسايلك جاوبنا يحسين
 جاوب لسان الحال يا شيعة الزهرا
 وعباس اخويه على الشريعه بغير كفين
 متحسر على الماي يم الماي نايم
 وردوا لمخيم قبل تنشف دمعة العين
 يوم احرقوها وفرت عيالي بلبورور
 طلعا ولا يدرون صوب الدرب من وين
 يوم صرخت يحسين وحتى صوتها انشل
 واسمعت صرختها وانا معفر الخدين

زيارة الأربعين

أرد انشدك ياللي وصلت الغاضريه
 قلبه العلامة قبة المظلوم تسطع
 لكن يشيعي من أعينها وتدمع
 وأما العلم لخمير علامة ذبحة حسين
 بس اللي راحت حق اخوها يوم عشرين
 بعده القبر ما يبنبي وتشوف قبره
 ونادت على السجّاد يا باقي العتره
 هذي علامة نور بيني وسط برها
 كثر البواجي والسهر رَوّح نظرها
 دنلي ينور العين بالله بقبر لحباب
 لا تشعبيني يا مصونة داحي الباب
 ولاح القبر بعينونها بنت البتوله
 طاحت على قبره ودمعتها هموله
 دقعد يعزي بخبرك حالة سفرنا
 أول مصيبه بلدة الكوفه دخلنا
 كم بلد دشيناها يخويه ويا ليتام
 ناس بطل تضرب وناس تنشر اعلام
 ويش العلامة اللي بقبر ابن الزجيه
 أنوار تتشعشع وچنها الشمس تطلع
 مني عيوني والحزن يدي عليه
 هذي علامتنا يشيعه آل يس
 شنهي علامتها يشيعي رد عليه
 ولاحت لها الأنوار شمامة الزهرا
 هذي علامة نور يا باقي البقيه
 وعيون ما ظلت لَعَمَتِكَ من سهرها
 دنلي ينور العين بانوار المضيّه
 نادى يعمه والدمع بالخذ سچاب
 هذي قبور اهلعج وهذي الغاضريه
 وايتام وياها وكلها تحوم حوله
 دقعد يعزي جيت من ذي سبيه
 يوم حدا الحادي وشالوا به طعنا
 آني وعليلك والحريم الهاشميه
 واعظم فجيعة يوم ندخل ديرة الشام
 وناس تقول اليوم عيد ابن الدعيه

آني وعليلك واليتاما بربقة حبال
وراسك قبالي بالطشت بين الزجيه
واعظم مذله نشوف بين امي واهانه
يضرب على راسك بين خير البريه

وآمن المجلس يوم ندخل مالنا حال
والرجس جالس فوق تخته ويمه انذال
واللي شعبنا بمجلسه وذلنا ودهانا
قدّام عيني يا خليصي بخيزرانه

السجاد (ع) والأنصاري (ره)

وينه أبوك وعزوته وجميع لصحاب
عن ذبحة رجالي وحرق الخيم بالنار
هذي انسلب خلخال منها وهذي حجاب
طبوا على العسكر وبيه تزلزل البيد
بوجودهم منا يجابر ما حد انصاب
هذا على اليمنى وهذا فوق لشمال
ينظر جنايزهم رمية فوق لتراب
مثل القمر مخسوف ومقطع الذرعان
وآمن علي الأكبر مقطعينه بلحراب
وما ظل غيري حق ابو سكنه من لولاد
جابه لسكنه وشافته ومنها القلب ذاب
يسحب عنانه والسرّج عن صهوته مال
بيده الشمر حزه ولا تزلزل ولا هاب

جابر ينادي يا بقية بيت لنجباب
قله يجابر ما دريت بكر بلا اشصار
والحرم كلها سلبوها صغار وكبار
وانجان تبغي أو صف افعال الصناديد
صار الحرب عداهم يجابر ضحوة العيد
لكن يوسفه صرعوهم فوق لرمال
وحسين ظل حابر بلا ناصر ولا رجال
ينظر ابو فاضل على المسناة لهفان
والجاسم العريس طاح بثوب لكفان
كلهم يجابر جدلوهم فوق لوهاد
حتى رضيعه طوقوا نحره هلوغاد
ساعه ولن المهر جانا بغير خيال
ولني أعاين راس ابويه فوق عسال

الرباب عند قبر المولى (ع) والرجوع للمدينة

خلوني أنا ويا حسين خلوني
على قبره يزيب عاد خلوني

مدت طولها بقبره يولي والدمع يجري
يو السجاد نحرك ربت قبله منقطع نحري
وخيل الأعوجيه انجان داست قبلك بصدري
يني يا علي السجاد ويا حسين خلوني

اشلون انساه لوأنسى رضيع تغفر صدره
وانسى جملة الشبان من طاحت على الغبره
اشلون ادخل منازلهم واعاين دورهم قفره
شجاوب حق اهل طيبه عنهم من ينشدوني

قال لها علي السجاد ما ترهم ولا نقدر
اشلون نشيل ونخليج وحدج ضايعه بهالبر
صبري مثل ما إحنا صيرنا وهذا المقدر
قالت طاعتك ييني فريضه يا ضوى عيوني

لوماهي فريضه انجان أبقى بهال فلا وانعي
واروي تراب ابوك حسين ليل نهار من دمعي

وتبت بالقبر لعشاب ييني وانظر لزرعي
زرع اللي زرعه راح مني وخابت ظنوني

ورُكِبْتُ بالظعينه تريد طيبه تروح وياهم
وبالبل طوح الحادي وطيبه صار منوهم
ومحمد مع الغلمان طلع قصده يتلقاهم
طلع يصرخ يغلماني بخوتي اليوم هنوني

من وصل ظعنهم صاح أهلا يا بني هاشم
يحسب عزوته ردوا واخوه حسين رد سالم
ولنه يشوف بس نسوان وبخدها الدمع ساجم
تعني وزينب تنادي بخوتي اليوم عزروني

جمع ايتام منحوله وسود اعلام منشوره
وعليل ومنحني ظهره وچبده بحزن مفظوره
ومحمد وقع فوقه ودموع العين منشوره
يقله يا علي ييني عن الشبان خبروني

يقله كربلا جتنا ولا خلت لنا والي
تسألني عن الشبان لو تسأل عن احوالي
ما جاكم خبر عنهم ولا سمعتون بالغالي
قطع شمر اخنا راسه وشاله وشافته عيوني

تسألني عن العباس
لو تسأل عن العريس
يقله يا علي ييني
لا توصف مصائبهم
والشبان والأكبر
يوم طاح وتعفر
بهالتعداد ما أقدر
وعنهم لا تخبروني

وعاين زينب وزادت
بيده يلطم بصدره
آ يحسين يا عباس
آ يا جملة الشبان
همومه ومزق اجبابه
وينعي على اجبابه
جاسم يا علي يابه
راحوا وانا خلوني

يزينب هاخبر لقشر
صدق في مجلس الخمار
قالت نعم يمحمد
دخلت بعيلته كلها
تراهو نحل اعظامي
دشيتوا بلا محامي
وراس حسين قدامي
وحز الجبل بمتوني

أم البنين

أم البنين تصيح والدمعه جريه
 هيهات ما نساك يا نور العوالم
 وتالي الخبر وصل وخلا الكون غايم
 يحسين أخوتك لربعه كلها فداياك
 كلهم فلا يسوون يوم تسلب رداك
 فقدك مع الشبان خلى القلب مفطور
 ولا خبر عباس خيك بدر لبدور
 عباس واخوانه خبرهم ينزع الروح
 ما ترجع الشبان ليه بكثرة النوح
 والله خيالك يا قمر عدنان بالعين
 والسهم صاب العين وانقطعت الكفين
 عباس اعتبك يالولد واسمع هلعتاب
 وخابت ظنوني وخاب ظنها بنت لطياب
 جاوب لسان الحال عنه فحل لرجال
 لكن اشبيدي انقطعت اليمنى ولشمال
 يحسين ما نساك ابد بين الزچيه
 ظنيت لينا تعود ويا الأهل سالم
 غيم علينا من رحمت للغاضريه
 فدوه إلك يابو علي تنذبح وياك
 وذبحه رضيعك فوق صدرك يا شفیه
 ياريت ما جانا الخبر عن يوم عاشور
 يقولون فوق الماي غاب القمر ضيه
 فت حشاي فراقهم والقلب مجروح
 ليت انفنى عمري ووافتنى المنيه
 يقولون خسفوا غرتك بالعمد نصين
 عطشان بيني ومشربت قطرة اميه
 خليت زينب تنسبي ما بين الجباب
 شافت اهلها مذبحه فوق الوطيه
 لو كان بيدي منسبت من فوق لجمال
 وغصب عليه تسلبت للغاضريه

بكاء السجاد (ع)

قله ييو حمزه ودمعاه جريه
 چنك ييو حمزه متدرى اشصاب يعقوب
 وانا نظرت حسين فوق القاع مكبوب
 وبه ثمنتعشر قمر مثل الضحايا
 وامن على شاطي النهر شايل الرايه
 بعيد البلا عنك ييو حمزه ولا تشوف
 تنسلب عماتي وتتستر بلكفوف
 هذي المصيبه اشلون او صف لك محنها
 لو طفلة الطاحت وشال الظعن عنها
 ويزيد من فوق التخت شامت ومسرور
 وراس الشهيد حسين منه يسطع النور

من هالعتب بس عاد لا تعتب عليه
 فاقد ولد واحد وخلا قلبه يذوب
 وصندوق صدره كاسرينه بلعوجيه
 طاحوا ييو حمزه على الغبره عرايا
 ما بقت العدوان في جسمه بقيه
 ذاك المصاب اللي دهاني برض لطفوف
 وحتى الرضيع انذبح برض الغاضريه
 حرق الخيم لو فرة النسوان منها
 لو دخلة الشامات لو مجلس أميه
 بحبال چتفنا وانا بالحزن مكسور
 كسر اسنانه بخيزرانه ابن الدعيه

تغسيل الإمام السجاد (ع)

قام يجهز الباقر ابوه وصاح لمصابك
حور العين والأملآك محزونه على مصابك

فوق المغتسل مدّه ودمع العين بخدوده
حن وصاح يوم شاف حز القيد بزوده
أثر لقيود يا سَجَاد حتى اليوم موجوده
يوم انت على الناقه يسر وياك عماتك

وبس عاين أثر لسواط مچاوي شاف بمتونه
يم جسمه جذب حسرات والدمعات مهتونه
واللي يغسلونه وياه قاموا له يسألونه
شنهو صار يا باقر نشوف تزيد حسراتك

قمت تقلّب السجاد وبعه تجذب الحسره
چنك حيدر الكرار يوم غسل الزهرا
يوم عاين المسمار والضلعين منكسره
ذكرت مصابها چنك وسالت بعد دمعاتك

قلهم نعم عذروني يشيعه لو ذكرت امي
ولو صبت عيوني دموع يمحبين من دمي
آثار الضرب بمتون ابويه زيدن همي
الله يا وحيد الدار عليه أوحشت دارك

وعقب الغسل والتكفين
بس حسين بالغبرا
بدال الكفن والتغسيل
أبدأ ما جرى يحسين
شاله فوق شياله
يويلي ما أحد شاله
بصدره تدوس خياله
في تاريخها مصابك

عند قبر السجاد (ع)

جهاز ابوه بحفرته قبل المسيه
أي المصايب تنذكر لجلك يسجاد
لو دخلتك بحبال في مجلس ابن زياد
مدري ييويه نذكر الكوفه مع الشام
لو دخلتك مجلس أميه بين ظلام
وعقب المصايب قطعوا چبدك بلسموم
ونشف ابو جعفر دموعه وقام مهموم
ولنه يعاين ناقة السجاد بالباب
طاحت على قبره وتتعفر بلتراب
ماتت على قبره من تغيب شعاعه
ما يوم لوعها بضرب السوط ساعه
ورش القبر بالماي ودموعه جريه
مصرع ابوك وعزوته لو حز لقياد
ويّا خواتك والحريم الهاشميه
قطع الفيافي والسرى لو نوح ليتام
حفة شماته وراس ابوك بسمهريه
بعدك على الدنيا العفى يا كنز لعلوم
وعود مع الغلمان لبيوت الخليه
مقطوع منها زمامها والدمع سچاب
فوق القبر حنت ووافتها المنيه
لنه رحيم بحالها وتعرف اطباعه
دابه عطوف بسيرته حلو السجيه

چيفه رضيت لعمتك ويّا الخواتين
 وزينب تنادي منين اجتني الغاضريه
 قوموا ادفنوا الناقه ولا تظل فوق لرمال
 ندفن الناقه ولا تظل فوق الوطيه
 حتى جملهم ما يظل بغير دفان
 ويّا ثمنتعشر قمر فوق الوطيه

ما ترضى تضرب ناقتك بين الميامين
 والسوط يتلوى عليها شمال ويمين
 وأمر ابو محمد على الغلمان في الحال
 لنها الوصيه من أبويه زين لقبال
 شيمه أهل هالبيت ما ترضى يغلمان
 هذي أميه خلت المذبوح عطشان

الإمام الباقر (ع)

يقلبي ذوب وتفطر
 وجسمه مستوي أخضر

على الباقر يدعي هل
 يوم السم فطر چبده

يويلي من لهيب السم
 ومثل الحسن يوم انسم
 وچبده تطيح ويا الدم
 يهل هالبيت لمظهر

على فراشه ويتقلب
 ما ظلت إله مهجه
 طشت عنده مثل عمه
 أما الذبح والا السم

وتاره ينظر اولاده
 هذي سنّه وعادة
 لكن تحته وساده
 متوسد تراب البر

على فراشه يويلي يلوج
 وهم جنبه يودعونه
 وتوفى التقي مسموم
 ما هو مثل جده حسين

وجعفر من بعد عينه
وقام يغسل الباقر
بس اللي على الشاطي
ثلت ايام بالغبرا
خليفه وشمر اردانه
ولفه وسطة اكفانه
ما حصلوا دفانه
وروس على السمتر تزهرا

وزينب واقفه تنخي
يحضري الصدر هالساع
عزيز تظل على الغبرا
سامحي يبعد اهلي
ما فيكم أحد دفان
والكافور والأكفان
يبعد اهلي وانت عريان
بدفنك بالأخو مقدر

چيفه ندفنك يحسين
حتى اردان بين امي
لكن يا عزيز امي
بنمشي بالغصب عنكم
والحادي حدا بينا
ما ظلت بعد لينا
هذي كتبه علينا
وألله وياك يمشكر

بين الصادق (ع) والسجاد (ع)

أهل المدينة بالفرح نشرت الزينه
هذا يقبله بين وجناته وجينه
واعلام بيض منشره وصارت تهاني
واهل المدينة ما بقى قاصي وداني
من جعفر الصادق وصل لرض المدينة
وهذا يقول الحمد لله على السلامه
من حين وصل للوطن حلوا المعاني
إلا وصل مسرور حق حلوا الجهامه

وَيَا حَرِيمَ فَاقِدِهِ وَتَلْطَمِ عَلَى الْهَامِ
 فَاقِدِ ابْوَهُ وَعَزْوَتَهُ وَجَمَلَةَ اَعْمَامِهِ
 شَنْقُولِ لِيْمَنْ سَايَلُوا عَنْ اَبُو اَلِيْمِهِ
 وَذَبَحَتْ رَجَالَهُ وَانْسَبَتْ جَمَلَةَ اِيْتَامِهِ
 مَتَشَوِّفِ رَاسِي مِّنَ الْحَزَنِ وَالْكَدْرِ شَايِبِ
 يَذْكُرُ اَشْصَارَ بَكْرِبَلَا وَسِي اَلْيَتَامَا
 وَشَ هَاخْبَرَ لِقَشْرِ يَبُو النَّفْسِ الْعَطُوفِهِ
 قَلْبَهُ يَبْنُ حَذْلُمَ بَعْدَ وَيْنِ السَّلَامَةِ
 دَشَ الْمَدِينَةِ بِهَاخْبَرَ وَالسَّاعِ قَوْلِهِ
 وَقَلْبَهَا عَزِيْزِجَ رَاحَ وَتَقَضَّتْ اَيَامَهُ
 يَا اَهْلَ يَثْرَبِ مَا سَمِعْتُوا بِالْكَسِيْرِهِ
 وَسَلَبُوا حَرِيْمَهُ بُو عَلِيٍّ وَحَرَقُوا خِيَامَهُ
 بَيْتَ النَّبُوِّهِ ذَبْحُوهُمْ يَوْمَ عَاشُورِ
 وَدَشْتِ الْمَجْلِسِ وَالْحَبْلِ سُوِيْ عِلَامَهُ

وَجَدَهُ عَلِي السَّجَادِ رَدَ بِسُودِ لِعِلَامِ
 مَنَحُولِ جِسْمِهِ مِّنَ السَّبِيِّ وَمَنْ سَفْرَةَ الشَّامِ
 وَصَلَ وَسَايَلَ عَمَتَهُ زَيْنَبَ يِعْمَهُ
 اِنْقُولِ اَبُوِيْهِ بَكْرِبَلَا مَسْفُوكِ دَمِهِ
 قَالَتْ يِرُوْحِي لَا تَعْدُدِ هَا الْمَصَايِبِ
 لَكِنْ يِعْقَلِي شَوْفِ نَاعِي لَهَا النُّوَايِبِ
 جَاهِ اِبْنِ حَذْلُمِ دَمَعَتَهُ بِخَدِهِ ذُرُوفِهِ
 سَالِمِ اَبُوِكِ حَسِيْنِ لُوْ خَانَتِ الْكُوفَةِ
 وَقَلْبِهِ وَدَمَعَاتِهِ عَلِيَّ خَدِهِ هُمُولِهِ
 وَعَزِ النَّبِيِّ الْمَصْطَفَى وَيَا الْبَتُولَةَ
 نَادَى بِنَ حَذْلُمِ مِّنْ بَعْدِ وَقْتِ الظُّهَيْرِ
 خَانَتِ الْكُوفَةِ وَانْذَبَحَ شَيْخَ الْعَشِيْرِهِ
 سَمِعُوا كَلَامِي وَاتْرَكُوا عَنكُمْ هَلْخَدُورِ
 وَزَيْنَبَ سَبُوَهَا وَرَكِبُوَهَا مِّنْ عَلِي الْكُورِ

تجهيز الإمام الصادق (ع)

غمض الصادق عينه وذاق المنيه
وشمّر اردانه بالعجل باب الخوايج
يبكي وينادي فرحت علينا الخوارج
وحطه بتابوته وحفت ذيك لیتام
واهل المدينة طلعت كلها بسود لعلام
راعي المدارس والعلم ومصلي الليل
بس الذي في كربلا ما حصل تغسيل
جعفر توفى وشيعته شالت سريره
وزينب تنادي ما بقت ليه عشيره
فارقت روحه وضجت عياله سويه
جهز رئيس الدين واحكام المناهج
وفرقاك نغص عيشتي والله عليه
هذي تنوح وهاي منها تلطم الهام
نكست بيرقنا يعز الجعفريه
شالوا الشيعة جنازته بضجه وتهليل
شيلوا راسه فوق راس السمهرية
بس اللي ماتوا بالعطش وقت الظهيره
جسمك تشيله يا خليصي بهالمسيه

فاجعة الإمام الكاظم (ع)

يبن سُويد هالمطروح ما عنده أهل واحباب
بس بهالجسر مطروح جسمه من الشمس ما ذاب

عشيرتهم بني هاشم وسيد الناس هو جدهم
وابوهم حيدر الكرار والزهرا البتولة امهم
لكن يا طيب الدهر شتتهم وفرقهم
سبها كسرة الضلعين لامهم فاطمه بالباب

يوم ابابها انصرت عصرهم هالدهر عصره
كل معصوم نال الويل منهم من ملك عصره
عين فعلة السندي وهارون الخنى بقصره
عقب السجن والتعذيب بالسّم جرّعه ولا هاب

شم ايده الطيب وشاف كفه وقام يتحسر
وابن سويد ظل ييكي وطيبه وياه يتزفر
يقله هالجسد مسموم عين لونه تغير
سرت لسوموم في جسمه وحتى القلب منه ذاب

سمه لو عطوه الحوت وسط البحر قتّلها
يبن سويد چان ايتام عنده صير كافلها

وخلصنا نشيل بين سويد هاجشه ونغسلها
 ونشيع جشه ونقول هذي جثة ابن اطياب
 وصار الإذن للتشييع وكلمن راد توديعه
 طلعت خلف جنازه كلها تريد تشييعه
 حرم ورجال مصطكه كلها جملة الشيعة
 بس حسين ما راحوا وشافوا جسمه بلتراب
 بلا تغسيل فوق القاع مرمي وياه شبانه
 وشافوا زينب تنخيه ويا حريم حيرانه
 سامحي ينور العين ما حصلت دفانه
 هضيمه ويا العدا نمشي ونخلي بهالوهد لحباب

أيضا في فاجعته (ع)

غيرت لسموم جسمه والچبد منه انفطر
 غلى حماميل اربعة ومدوه من فوق الجسر
 وين فرسان الهواشم عن ضمدها ما درت
 هذا بن جعفر زنوده بالقيود تورمت
 حزت الساقين منه والدماء منها جرت
 وهي ثلت ايام مرمي من يسوي له قبر

وللشّماتة حول جسمه تجمعت ذبج لنذال
هذا برجوله يرفسه وذاك داسه بالنعال
والسبب كله يحيدر يوم حطوا لك حبال
قوم يا حيدر وفزع له بني فهر ومضر
آه يحبال الوصي اشسويت بعده بعترته
حتى ميّتهم بسجنه والحديد بجثته
بالسجن قزّر الحسبه وتالي مات بغربته
والأصل ضلع البتوله يوم بالباب انكسر
شوفي من كسرة ضلوعج يوم صرتي ورا الباب
ما بقى واحد من اولادچ يزهر ما انصاب
واعظم مصيبه عليچ بكر بلا فوق لتراب
يوم طاح حسين وانصاره على ذاك النهر
ويوم قبرچ صار مخفي إختفت ذيك لنجوم
ناس من تحت المباني وناس ماتوا بلسوم
ريت يا زهرا لموسى تحضري يمه اليوم
تنظري جسمه مسّجى من على ذاك الجسر

على جسر بغداد

يولاد هاشم والإمارة

ثوروا بغاره

موسى بن جعفر بالجسر يبغى موارى

ثوروا بغاره

عقب السجن والموت بالسم يا بهاليل

شالوه بالأسواق فرجه على حماميل

فوق لمسيب يتركونه بغير تغسيل

وما حد من الشيعة يجي حق جسمه يشيل

ومدة ثلت ايام بعده بلا موارى

ثوروا بغاره

مدة ثلت ايام فوق الجسر ممدود

بالشمس يا وسفه وبالساقين لقيود

والشيعة ممنوعه تجي له ويمه جنود

تمنع الشيعة ما تجي يمه ولا تعود

والكل منهم تلتضي بالقلب ناره

ثوروا بغاره

ويا ويح قلبي اشلون جسمه صاير اخضر

من كثرة السم والسجن لونه تغير

حتى المسيحي عاينه وقلبه تظفر

من قله ابن سُويد وقلبه بنار تسعر
إنت طيب وعينه واكشف اخباره
ثوروا بغاره

شافه الطيب وعاین الكفين منه
وقله الجسد مسموم وجر عليه ونه
بن السويد اليوم وبن الأهل عنه
ماله عشيرة تشيل هالقيدين منه
قله غريب وعنهم انقطعت اخباره
ثوروا بغاره

يقله غريب وعزوته كلهم غرايب
بيت النبوه والقدس وابن الأطياب
لكن عليهم هالدهر صب المصايب
تعاون مع العدو ان وخلاهم شعايب
ما واحد الا مشردينه عن دياره
ثوروا بغاره

ذبح وسجن وسموم صبوها بلطياب
لوردت تعرف أصل هالنكبه ولسباب
من كسروا ضلوع البتوله بصاير الباب
انصبت مصايهم عليها وراسها شاب
واعظم عليها الغاضريه والأساره
ثوروا بغاره

وما بين ما هم واقفين يعاينونه
 لن الإذن جاهم انجان تشيعونه
 قوموا يشيعه انجان ردتوا تودعونه
 طلّعوا وكلمن فاض خده بدمع عينه
 والكل يلطم هامته وصار لمواري
 ثوروا بغاره

وظلعت الشيعة قاصدينه وخلت لبيوت
 كلمن يدق بهامته والقلب مفتوت
 وشالوا قيوده وانحمل من فوق تابوت
 لرجال ويّا الحرم كلمن يصرخ بصوت
 وينك ييو الحسنين ما تاخذ بشاره
 ثوروا بغاره

وتشيع الكاظم قبل ما يظلم الليل
 من جت الشيعة تشيل نعش ابن البهاليل
 يحسين وينه شيعتك ما جت لك تشيل
 ما كو الا زينب حايره تدور رجاجيل
 تدفن حسين وعزوته ويّا انصاره
 ثوروا بغاره

مرمي بلا تغسيل لا تكفين يحسين
 وعباس فوق المشرعه من غير كفين
 وانا غريبه وضايعه ومدري التجي وين
 دفان يبن امي أجيبه والكفن وين
 وعندى عليل ونسوتك كلها حيارى
 ثوروا بغاره

غريب طوس

من مات الرضا وغمّض
تحير أبو الصلت وصار
عيونه وخفض ونّاته
بس يصفق براحاته

ظل يصفق براحاته
وللتغسيل راد يشيل
على إمامه ويتحسر
جسمه ولّنه ما يقدر
لانه يغسله مثله
إمام عالم مبصر
لازم يحضر وليده
يعاين حالته وموته

يقول تحيّرت شصنع
ولني بولد قدامي
ومني الروح مخنوقه
بنوره الدار معلوقه
من وينه دخل للدار
والأبواب مغلوقه
جنه قمر واجبهه
تنور بأثر سجدياته

وطاح على الأبويكي
وابن موسى فتح باعه
ودمعه فيّض الخدين
وضم وليده بليدين
مثل امه البتوله يوم
تحضن بيدها السبطين
يوم على النعش طاحوا
وكلمن يجر حسراته

ونادى تموت بالغربه
روح القدس خبرتني
بيويه وما أحد يمك
يوم الفارقت جسمك
ومن طيبه بيويه جيت
باواريك في قبرك
قام يجهز الغالي
وشاله فوق تابوته

وفازت طوس بالضامن
الجنه من حَوَتِ قبره
يوم النّزله محمد
بلحده ويسجب العبره
بس اللي ثلت ايام
ظل عاري على الغبره
خيّل تكسر ضلوعه
وشبوا نار بيوته

چنه قمر بنجومه
على التربان مخسوفه
وزينب شالت ويا اعداه
ويا الحرم مجتوفه
ساعخي يا نور العين
عنك ماشيه الكوفه
ما حصلت دفانه
يخويه وصرت مبهوته

في تجهيزه ودفنه (ع)

طوس صارت لجل سيدنا الرضا متزلزله
وجا الجواد من المدينه لجل ابوه يغسله

بعد ما جهز أبوه تقدم وللعش شال
ما حلا ذيك الجنازه يوم شالتها الرجال
حفت الشيعه عليها باليمين وبالشمال
كلمن يعزي بشانه والمدامع سايله

والجواد يصيح بويه تموت في غير لوطن
كاتب الله هالحفيره تصوير روضه من الجنان

منزل المسموم فيها الله مختص المكان
وقامت الشيعة تخلف بالإمام تقبله

وما مست ذيك المسيه الا الرضا في حفرته
ما هو مثل حسين واولاده وقومه واخوته
ظل ثلث ايام عاري وانسبت كل عيلته
ما جرى مثل المصاب اللي جرى في كربلا

يوم زينب قامت تحشم على ذيك لجساد
بن سعد نادى أنا عندي أمر من بن زياد
عقب ذبح حسين وقومه لازم نرض هلجساد
وررضتهم لعوجيه ريتها متعرقله

تغسلوا من فيض دمهم والكفن سافي الريح
وروسهم فوق لرماح وزينب عليهم تصيح
تنادي مصابك فجعني يا خليصي يا ذبيح
وحرقوا خيامك يخويه وانسبت هالعائله

ضامن الجنان (ع)

يا ضامن الجنه إلك كل يوم زوار
يا ضامن الجنه وعامر ذبيح لبرور
ينزل محاني طوس قصده لجلك يزور
چان الحجر لسعد تفيض الناس عنه
حول الضريح تحوم في حنه ورنه
يتذكرون مصيبتك يا كنز لعلوم
وخلوك بفراش المرض ما تقدر تقوم
خلوك والي للعهد في طوس قوه
المأمون قصده يخمد انوار النبوه
لكن الباري خييه في كل ما راد
أنوار تتشعشع وبابك باب لمراد
لكن يسيدي ما سمعنا في ثرى طوس
ظلوا ثلت ايام بالرمضا بلا رموس
ولا سمعنا بطوس صدر ترضه الخيل
مثل الذي في كربلا من غير تغسيل
ولا سمعنا بطوس حرقوا ليكم خيام
فوق الهزل تنعى وراس حسين قدام

وما خاب والله من التجى بكم بين لطهار
ما خاب والله من قصدكم بين لبدور
يدخل وقلبه من المصيبه يلتهب نار
هذا ضريحك ما تمل الناس منه
ما تنقطع عنك تزورك ليل ونهار
من يوم چبدك قطعوها بحر لسموم
في ديار غربه ما أحد عندك بهالدار
وخانوا العهد وياك ما عدهم مروه
ويمحي فضايلكم ويطفي ذيك لنوار
وخلا ضريحك يستوي مقصد الوفاد
يا سعد من يحظى أبابك بين لطهار
أجساد ظلت بالوطيه ما لها روس
وحریمهم شالت أسارى فوق لكوار
وتكسر ضلوع الصدر ويّا المفاصيل
ويّا ثمتعشر قمر من فوق لوعار
ولا حریم سلبوها وراحت الشام
فوق الرمح يزهر ومنه تسطع انوار

السيدة المعصومة

بين السلولي موتي صارت قريبه
 سالت دموع ابن السلولي وصعد انفاس
 مكتوبكم يوصل على العين وعلى الراس
 وصل منازلهم وقصده بيت لطياب
 حق فاطمه اللي من حزنها راسها شاب
 فلت كتابه والدمع باخذ مسجوم
 يقلها بينت اللي بسجن هارون مسموم
 سرعج لحوچ تودعي يا بنت لكرام
 ما هو مثل زينب من الكوفه إلى الشام
 وبنه سفر زينب حرم واطفال ييچون
 زينه بهواد جهم ومشيتهم على هون
 لنها تشوف اعلام سود وتسمع صياح
 عدهم مصيبه نازله وكلمن مشى طاح
 قالوا تغيب يا مصونه بطوس بدرج
 هاللي قصدتينه يحره وما حصل لچ
 سمعت بخوها من قضى بسموم لنذال
 وش حال من شافت اخوها فوق لرمال
 وخذ مني هالمكتوب حق اختي النجيه
 وقله يضا من جنة الفردوس للناس
 وسافر بمكتوب الرضا لديار طيبه
 يا صفوة الجبار ليكم عندي كتاب
 واستلمت المكتوب ودمعتها سچيبه
 عاينت خطه والقلب فيّض بلهموم
 يختي اقصديني موتي صارت قريبه
 وطلعت مع الأخوان تحرسها ولعمام
 زجر وحولى وراس اخوها يلوح شيبه
 وهذي الجواري فاطمه يمها يخدمون
 وبلاد قم من وصلت ذيك النجيه
 وذيك البلد ضجه وكلمن يصفج الراح
 قالت اشصاير في بلدكم من مصيبه
 خيچ قضى مسموم والله يعظم اجرچ
 وصرتين ثكلا من بعد عينه وغريبه
 وشهقت وغابت روحها بهاخبر في الحال
 والشمر يقطع منحرا ابن امها غصيبه

شباب الأئمة الجواد (ع)

حماة الدين واركانه	بنى العباس ذبحتوا
وقصفتون أغصانه	فنيثوا عترة محمد
هاللي انتو فعلتونه	بنى العباس وشس هالجور
وتالي العهد خنتونه	عاهدتوا الرضا بعهود
وتاليها تسمونه	وزاوجتوا الجواد ابنه
مثله بعد خوانه	غدارة ابنة المأمون
تسم الحسن لمطهر	خوانه مثل جعده
راعي الجود لمشكر	وهذي سمت محمد
ما عنده أحد يحضر	ثلث ايام فوق الدار
ماله بعد دفانه	مات وظل ثلث ايام
وما عرفوا جواد الجود	قصدهم ما يوارونه
وهذي غاية المقصود	حتى جسمه يتعفن
مثل المسك وبيا العود	وفاحت ريح من جسمه
وأهل الدين واعوانه	ذولا ترابهم جنه
يجهز جثته بهممه	ولن ابنه علي الهادي
اهل بغداد ملتومه	وشالت هالجازه وياه
ما هو حسين أبو اليمه	وضجت خلق بالتشيع
وبصدر الظهر زانه	راسه تشيع بلرماح

علي الهادي النقي (ع)

زمرة بني العباس ما تهجع على وُساد
هجموا على الهادي بداره ياخذونه
هيئات ما يرجع ولا هم ينظرونه
كان الوطن واحد وهي روضة المختار
طالع يشيعي الدهر ليمن حتّف وجرار
لو جارت اميه حقدها ابّدر وحنين
جارت على العتره وصفوة آل يس
كل يوم في واحد حقدهم يطلعونه
في دار غربه يلوج ويجاذب ونيه
وابنه الحسن يبكي ويجري دمعة العين
من وين سامرا يشيعه والنبي منين

وتشوف بالدنيا أحد من عترة الهاد
واهل المدينة طلّعوا كلهم يودعونه
مثل اللي من قبله طلّع للوطن ما عاد
وتفرقوا عنه يوسفه بكل لمصار
أخنى على عترة الهادي وصاروا ابعاد
لكن بني العباس شلها يا مسلمين
بس الدغايل في قلبهم ويا لحقاد
هذا علي الهادي بسهم سامينه
وتالي يموت بغصته والأهل أبعاد
ينادي تموت بغربتك بين الميامين
لكن جعلهم يا خلق في الأرض أوتاد

ماذا لقينا منك يا يوم الاثنين

اشسويت فينا من قبل يايوم لثنين
ولثنين يوم بكر بلا هجموا على حسين
ولثنين هذي غيبت نور المعالم
نجل الجواد اليوم خلى الكون غايم
خلف الجنازه ولولت والدمع نثار
وردها أبو محمد وقلبه يشتعل نار
ردت ولا واحد من العسكر ضربها
بس الذي في كربلا حرقوا خدرها
عدها حريم مروعه وايتام تنعي
والأصل من يوم البتوله تصيح ضلعي
لثنين مات المصطفى وكسروا الضلعين
ويّا ثمنتعشر قمر من فوق لتراب
منهم يزهر ما رجع للوطن سالم
غيم علينا يوم نوره بالثرى غاب
ودعتك الله يا سلاله بيت لظهار
ردي المنزل يا حزينه واغلقني الباب
ولا حد تدناها ولا واحد رهبها
وتنظر جنايزهم رميه فوق لتراب
وتقول راحت عزوتي وانقطع فرعي
اشسويت ضلعي يكسرونه بصاير الباب

ظلامه الإمام العسكري (ع)

يا بني العباس وش سوت العتره بهاملا
جور ومذله عليهم وابتلوا بكم بلا
سائل المنصور وش سوى ومن بعده الرشيد
ويش سووا في بني عمهم مصايب ما تهيد
هذا من تحت المباني وهذا في سجن وحديد
وهذا بالسم غايلينه وذاك ضايع بالفلا
جوا ذراريهم بعدهم ويش صبا من مصاب
على العتره الهاشميه صبا احوال وعذاب
قتلوا باقي الصفوة وغيوهم بلتراب
مثل ابو محمد مكابد هالمصايب والبلا
بالسجن محبوس عدهم ما شفت ساعة هنا
هالعمر يالعسكري بالسجن كله وانفنى
وما وصل عمرك يبو المهدي ثلاثين السنه
وسفه بالسم فطروها مهجتك يبن العلا
ويا حسافه تموت بالغربه ولا جنبك أهل
هالعشيره وين راحت يا ولي الله عجل
فرقوهم في البوادي ما اختلا منهم محل
ميت بغربه يسيدي تقاسي الذل والبلا

الزَّهْرَاءُ (ع) وَمَصَائِبُ الْأُمَّةِ (ع)

كل يوم مفجوعه يكسورة الأضلاع	والله يزهره ما فرغ بالچ ولا ساع
من يقدر يعدد مصايب مثل لغيوم	بس الحزن دوبيچ وقلبچ دوم مرتاع
يوم احرقوها وانتوا بالصدر مسمار	مدري فجيعة كربلا لو هجمة الدار
ناس بسجن ماتوا وناس بكاس لسموم	لو هالذي راحوا ضحايا بكل لمصار
وبدرين سامرا يوسفه لوعوها	بدرين في بغداد يا زهره طفوها
واللي بقى عندچ يقاسي جور وهموم	ذل وهضم وسموم يا زهره سقوها
كم ساس لو كم اسطوانه صارت قبور	حتى المباني شيدها فوق لبدور
حتى السما ولملاك صار دموعها دموم	واعظم فجيعة يا بتوله يوم عاشور

تعزية للزَّهْرَاءِ (ع) وندبة للمهدي (عج)

يزهرا غابت انواره	كم واحد من اولادچ
وهذا ظل بلا موارى	هذا بالسجن ميت
بنت حتى مبانها	هالعدوان ما بقت
من اولادچ يعانها	سجن وسموم كل واحد

غابوا في محانيها	سامرا حوت بدرين
غاب وغابت انواره	وواحد في محاني طوس
والا كربلا وطيبه	طوس تجين لو بغداد
للي خضبوا شبيهه	لو لرض النجف رحتين
وبينا طول الغيبه	بس واحد بقى منهم
بهمه وياخذ بشاره	متى يطلع ابو صالح
وتاخذ ثار من طاحت	يو صالح متى تطلع
يفضه مهجتي راحت	على الأعتاب وتنادي
وزينب بالعجل صاحت	وارتاع الحسن وحسين
علينا شنوا الغاره	يحيدر قوم حق امي
وتاخذ ثار من طاحوا	يو صالح متى تطلع
وحرهم باليسر راحوا	على الغبره بفرد ساعه
على الحرات لي صاحوا	وحر السوط يتلاعب
ومنه تسطع انواره	وراس حسين وياهم
ليل نهار ما هيّد	حاديهم يطر البيد
وعليل بجامعه مقيد	حرم واطفال عطشانه
وعليهم بالفرح عيد	لبن زياد بالكوفه
يوم وصلوا داره	وعيد الشام حق يزيد

إِسْتِنَاهُضُ الْحِجَّةِ الْمَهْدِيِّ (عج)

يغايب غابت الأفراح	عنا بغية الكبرى
بس الحزن والأتراح	عندنا بالقلب حسره
حسرات القلب يمتى	يو صالح تبردها
وتأخذ ثار من هجموا	عليها بدار والدها
يوم أبابها انعصرت	ومحسن سقط من عندها
ومسمار وكسر ضلعين	كسروا لك الزهرا
وثار اللي يو صالح	بسيفه طاعت الكفار
وتالي بالحبل قاده	وبخده الدمع نثار
وشاف امك على الأعتاب	والباب اشتعل بالنار
وارتاع الحسن وحسين	وزينب تجذب الحسره
وثار اللي يو صالح	جبهه بالطشت طاحت
وزينب عاينت حاله	ولزمت راسه وصاحت
جبدى من قبل جبدك	يخويه ربتها راحت
ذقت سموم يبن امي	وظلت تسجب العيره
وثار اللي يو صالح	ما يتوصّف مصابه
نحر منحور يا مهدي	وسهم بالقلب صابه
وعلى صدره طفل دامي	وجنبه جملة اصحابه
وتمتعش قمر وياه	مرميه على الغبرا

وما نقدر يو صالح نفصّل لك مصايها
يوم التهجم العسكر على النسوان تسليها
هذي انسلب برقها وهذي بن سعد سبها
حرم واطفال عطشانه ونار بخيم مستعره

تم بعون الله، ونسأله القبول وصلى الله على
رسوله والأئمة الميامين من آله وسلم تسليما كثيرا.

الفهرس

وقد رمزنا فيه للقوائد الجديدة بالرمز (ع)

- ٧ مقدمة الناظم
- ٨ مقدمة الملا إياس المرزوق
- ١٠ مقدمة الشيخ بشار العالي
- ١٣ وفاة السيدة خديجة (ع) (ع)
- ١٤ نبى الرحمة (ص)
- ١٥ بين الرسول (ص) والزهران (ع) (ع)
- ١٦ حادثة دار الزهران (ع)
- ١٧ الزهران (ع) والمحمدي (ره) (ع)
- ١٨ تغسيل الزهران (ع)
- ١٩ زينب وباب الزهران (ع) (ع)
- ٢٠ وصية أمير المؤمنين علي (ع)
- ٢١ الحسنان (ع) عند قبر أبيهما (ع)
- ٢٢ تهدمت والله أركان الهدى (ع) (ع)
- ٢٤ الحسن المسموم (ع)
- ٢٥ الفاجعة الباقية
- ٢٦ بكاء ابن الحنفية
- ٢٦ ابن الحنفية وهلال المحرم (ع) (ع)
- ٢٧ هلال المحرم
- ٢٨ منابر الحسين (ع) (ع)
- ٣٠ وداعه (ع) لقبر جده (ص) (ع)

- ٣٠..... وداع الحوراء للمدينة ﴿٥﴾
- ٣١..... أم البنين عند خروج الحسين (ع).....
- ٣٢..... رسالة العليلة لأبيها (ع).....
- ٣٣..... فاطمة بنت الحسين (ع) والغراب.....
- ٣٤..... ابن عقيل عند باب طوعة.....
- ٣٥..... يتيمة مسلم ﴿٥﴾.....
- ٣٦..... حميدة وطوعة.....
- ٣٧..... رأس الحسين (ع) ورأس مسلم.....
- ٣٨..... ولدا مسلم والسجان.....
- ٣٩..... في مصرعهما ﴿٥﴾.....
- ٤٠..... أيضا في مصرعهما.....
- ٤١..... رواية وهب ﴿٥﴾.....
- ٤٢..... عقد الرايات ﴿٥﴾.....
- ٤٣..... حبيب بن مظاهر وزوجته.....
- ٤٤..... سلام حبيب على العقيلة.....
- ٤٥..... أنصار الحسين (ع) لما قال لهم أمضوا.....
- ٤٦..... أبطال الصفا وفرسان الهيجا ﴿٥﴾.....
- ٤٧..... الحسين (ع) وزينب (ع) ليلة العاشوراء.....
- ٤٨..... الحر الرياحي (ره) ﴿٥﴾.....
- ٤٩..... سكينه تطلب الماء من عمته.....
- ٥٠..... الحسين (ع) عند مصرع العباس (ع).....
- ٥١..... الآن انكسر ظهري ﴿٥﴾.....
- ٥٢..... زفاف القاسم بن الحسن (ع).....
- ٥٣..... يعز على عمك أن تدعوه فلا يجيبك ﴿٥﴾.....
- ٥٥..... الأكبر وابن غانم.....

- ٥٦..... الكأس الأوفى (ج)
- ٥٧..... دفن الرضيع واستخراجه (ج)
- ٥٨..... نزول الملائكة لنصرة الحسين (ع)
- ٥٩..... خروج زينب وسكينة للأجساد
- ٦١..... في حرق الخيام ولبلة الحادي عشر
- ٦٢..... البحث عن ولدي مسلم (ره) (ج)
- ٦٣..... اليتيمه والماء (ج)
- ٦٤..... الرباب والرضيع
- ٦٥..... طفلة من أطفال الحسين (ع)
- ٦٥..... طفل من العائلة الحسينية
- ٦٦..... مجيء الإمام علي (ع) لكربلاء
- ٦٨..... مجيء الزهراء (ع) لبلة الحادي عشر
- ٦٩..... الطيور التي ظللت على الحسين (ع) (ج)
- ٧٠..... سبي زينب وخطابها للحسين (ع)
- ٧١..... فراق الحوراء لأخيها (ع) (ج)
- ٧٢..... خطاب العقيلة للعباس
- ٧٣..... أم المصائب زينب (ج)
- ٧٤..... زين العابدين (ع) في كربلاء
- ٧٥..... العقيلية وولدها (ج)
- ٧٥..... خطاب الحوراء ليزيد (ج)
- ٧٦..... فاطمة بنت الحسين في مجلس يزيد
- ٧٧..... راية أبي الفضل في مجلس يزيد
- ٧٨..... فضل زيارة الحسين (ع)
- ٧٩..... زيارة الأربعين
- ٨٠..... السجاد (ع) والأنصاري (ره) (ج)

- ٨١.....الرباب عند قبر المولى (ع) والرجوع للمدينة (ج)
- ٨٤.....أم البنين (ج)
- ٨٥.....بكاء السجاد (ع) (ج)
- ٨٦.....تغسيل الإمام السجاد (ع)
- ٨٧.....عند قبر السجاد (ع) (ج)
- ٨٨.....الإمام الباقر (ع)
- ٨٩.....بين الصادق (ع) والسجاد (ع) (ج)
- ٩١.....تجهيز الإمام الصادق (ع)
- ٩٢.....فاجعة الإمام الكاظم (ع)
- ٩٣.....أيضا في فاجعته (ع)
- ٩٥.....على جسر بغداد (ج)
- ٩٨.....غريب طوس
- ٩٩.....في تجهيزه ودفنه (ع)
- ١٠١.....ضامن الجنان (ع) (ج)
- ١٠٢.....السيدة المعصومة (ج)
- ١٠٣.....شباب الأئمة الجواد (ع)
- ١٠٤.....علي الهادي النقي (ع)
- ١٠٥.....ماذا لقينا منك يا يوم الإثنين (ج)
- ١٠٦.....ظلامه الإمام العسكري (ع)
- ١٠٧.....الزهراء (ع) ومصائب الأئمة (ع) (ج)
- ١٠٧.....تعزية للزهراء (ع) وندبة للمهدي (عج) (ج)
- ١٠٩.....إستنهاض الحجة المهدي (عج)

يطلب من : ٣٣٠٠٨١٩٧

الترخيص : ٢٠١٤/٢٣٦

تصميم وإخراج : البروج ميديا - ٩٧٣ ٣٦٦١١٨٦٥